



9 (583)  
18.04.2020

Հրատարակվում է  
1999թ. սեպտեմբերից

Ճանաչել զիմաստությունն եւ գիտաբար, իմանալ զբանս հանճարոյ

# ԼՍՏԱՐԱՐ

Лусарар

ԿՐԹԱԳԻՏԱԿԱՆ ԹԵՐԹ

Lusarar

## Ձեռք բերած Փորձը Մեծ Արժեք է Եվ Գոյեսք է Կորձնել

«Այբ» դպրոցի տնօրեն Արամ Փախչանյանը «Հեռավար կրթության մարտահրավերներն ու հնարավորությունները արտակարգ դրության պայմաններում» առցանց լուսնների ժամանակ հետաքրքիր դիտարկումներ է արել: Ներկայացնելով իր պատկերացումները, որոնք նաև այս օրերին տարբեր երկրներում՝ Հոլանդիայում, Անգլիայում, Ռուսաստանում, ԱՄՆ-ում և այլուր ապրող իր գործընկերների հետ շփումներից ստացած տպավորություններն են, ասաց, որ կրթությունն այլևս նախկինը չի լինի, և շատ մեծ փոփոխություններ են բոլորն ակնկալում, ու դրանք անխուսափելի են: «Մենք ունենք երկու ճանապարհ. կամ մնալ 19-րդ դարում, կամ այս պահն օգտագործել, որպեսզի բոլոր զարգացած երկրների հետ թռչչե՞նք անցնենք 21-րդ դար»: Նրա խոսքով՝ որպես երկիր այս պահին այլընտրանքի առջև ենք կանգնած և ամեն բան պետք է անենք, որ այս օրերին ձեռք բերած փորձը կիրառենք: Մեջքերում է Անգլիայի լավագույն դպրոցներից մեկի տնօրենի խոսքը: «Տպավորությունն այն է, որ կարծես մինչև հիմա ծովի ջուր չէինք մտել, վախենում էինք ծովից, ստիպված բոլորս թռանք այդ ծովի վրայով, որ փրկվենք և իրար օգնելով՝ մի կերպ փրկվեցինք: Իհարկե, մենք չենք ուզում ծովահարս դառնալ, բայց հիմա արդեն ծովից հեռու ապրել չենք ուզի, կապրենք ծովի ափին»: Այսինքն՝ այդ զգացողությունը, որ իրավիճակ է փոխվել, կա բոլոր մարդկանց մոտ, և նրանք ամեն բան անելու են, որպեսզի այդ փորձառության լավագույն պտուղները պահպանեն: Իսկ որ այդ պտուղները կան, ակնհայտ է:

Այսպես, շատ էինք խոսում ներառականության մասին, որն սկզբնական շրջանում պատկերացում էինք, թե վերաբերում է միայն կրթության առանձնահատուկ պայմանների կարիք ունեցող երեխաներին: Որոշ ժամանակ անց ասում էինք, որ ներառականությունը լինելու է բոլորի համար, քանի որ ամեն երեխա անհատականություն է, և յուրաքանչյուրին պետք է կրթություն տալ իրեն համապատասխան: Սա ասում էինք որպես տեսլական, իսկ իրականությունը շատ հեռու էր դեռ: Առցանց ուսուցումն արագացրեց այդ խնդրի լուծումը: Բոլոր երեխաների համար է, արդյոք, առցանց ուսուցումը: «Էքստրավերտ երեխաների համար առցանց կրթությունն է ավելի դժվար, ինտրովերտների համար փրկություն է: Ներառականությունը պետք է վերաբերի ամեն երեխայի: Չկա այլևս ներառական երեխա, ոչ ներառական երեխա. ամեն երեխա ունի առանձնահատկություններ, և կրթական համակարգը պետք է զանազանություն բերի», - այս օրերին դրանում ավելի է համոզվել Ա. Փախչանյանը: Եվ պարզաբանում է. ներառականությունը ուսուցչին ընծեռում է ամեն երեխայի համար ընտրել լավագույն գործիքներ ու նրա հետ այդ գործիքներով համագործակցության հնարավորություններ: Առցանց միջոցներով կրթությունը ինքնուսուցիչ դառնում է անհատականացված: Այն գործիքները, որոնք կիրառվում են, ինքնուսուցիչ ամեն երեխայի հետ անհատական կապի մեջ է մտնում և համապատասխանաբար արձագանքում է նրա խնդիրներին:

## ՊԱՏԳԱՍ ՄԵՐ ՏԵՐ ՀԻՍՈՒՄ ՔՐԻՍՏՈՍԻ ՍՈՒՐԲ ՀԱՐՈՒԹՅԱՆ ՏՈՆԻ ԱՌԻԹՈՎ



Յանուն Հոր եւ Որդոյ եւ Հոգւոյ Սրբոյ. ամեն: «Դու ես Քրիստոս. կեանք եւ յարութիւն ազգի մարդկան»

(Շարական)

Սիրելի բարեպաշտ ժողովուրդ,  
Քրիստոսի Հրաշափառ Հարությունը մեր Սուրբ Եկեղեցու երանաշնորհ հայրերը սքանչելի օրհներգությանը են փառաբանել գեղեցկախյուս աղոթքներում ու շարականներում՝ բերելով մեր ժողովրդին կյանքի անսպասելի հույսի և փրկության ավետիսը: «Դու ես, Քրիստոս, մարդկային ազգի կյանքն ու հարությունը»:

Մեր Տեր Հիսուս Քրիստոս Իր երկրային կյանքի ընթացքում բազում անգամներ հայտնեց Իր չարչարանքների և Հարության մասին, որի իմաստը նույնիսկ առաքյալները հստակությամբ չէին ըմբռնում: Քրիստոսի խաչելությունից հետո նրանք հուսահատ փակվել էին վերնատան մեջ և տարակուսում էին հավատալ Փրկչի Հարության մասին յուզաբեր կանանց ավետիսին: Սակայն Հարուցյալ Քրիստոսի հետ հանդիպումից հետո տիրությունը վերափոխվեց Տիրոջ հետ միասնության երանության: Տիրոջ խաչելության և մահվան հարուցած ցավը փոխակերպվեց Փրկչի հաղթության բերկրանքի, վշտի մռայլ գիշերը՝ հարության տիեզերանորոգ արշալույսի: Եվ Քրիստոսության լույսն ու վարդապետությունը հաղթականորեն տարածվեցին ողջ աշխարհում՝ մարդկության կյանքն ուղղորդելով դեպի փրկություն ու հավիտենություն:

Քրիստոսի Հարության բերկրալի ավետիսը առանձնակի հուսառատությամբ ու մխիթարությամբ է արձագանքում մտահոգիչ մեր ժամանակներում, երբ մարդկությունը կրում է վիշտ ու տառապանք, զրկանք ու կորուստներ, վերապրում համընդ-

մեր, որոնք լուսավոր ուղենիչ են աշխարհի նոր ընթացքի համար: Մարդկությունը պետք է գիտակցի՝ առաջընթացի ու երջանկության երաշխիքը Աստծով ապրված կյանքն է, որ դառնում է օրհնության, ուժի ու զորության աղբյուր:

Աստծո ողորմությամբ այս փորձությանն էլ աշխարհը կրիմագրավի: Սակայն կենսականորեն կարևոր է այդ հաղթահարման հետ դառնալ ավելի ուժեղ, միասնական ու համախմբված, հոգեպես զորացած՝ Աստծուն մշտապես ունենալով մեզ առաջնորդ ու ապավեն: «Այս է այն հաղթությունը, որ հաղթում է աշխարհին՝ մեր հավատը», - ասում է առաքյալը (Ա Յովհ. 5:4): Այո, սիրելիներ, Հարության հավատը, մեր կյանքում Փրկչի ներկայության գիտակցությամբ մենք ի գորու կլինենք լուծման առաջնորդելու մեր ժողովրդի առջև հառնած խնդիրները և կերտելու այն լուսավոր ապագան, որ երազում ենք բոլորս: Քաջ գիտենք, որ դուք աշխարհում ամենուր դիմակայում եք առկա նեղություններին ու դժվարություններին: Բոլոր հանգամանքներում, սակայն, մեր պատրաստակամությունն ու համծնառությունը պիտի դրսևորվի՝ հոգ տանելու նաև մեր հայրենիքի և մեր քույրերի ու եղբայրների հանդեպ: Վերստին կոչ ենք հղում ի հայրենիս և ի սփյուռս Մեր ժողովրդի զավակներին՝ համավարակի դժվարին իրավիճակը հաղթահարելու, հիվանդների ապաքինման միջոցներն ու խնամքը հոգալու, խիստ նեղության մեջ հայտնված հայրողիներին օգնության ձեռք մեկնելու գործում հնարավոր գորակցություն բերելու հայրենի իշխանություններին և ընծայաբերումներ կատարելու պետության կողմից այս նպատակով բացված հատուկ հաշվեհամարին: Մեր Եկեղեցին այս օրերին աշխարհասփյուռ իր թեմերով ավելիով իր ջանքերն է ներդնում օժանդակություն ցուցաբերելու կարիքավորներին, հոգևոր խնամք և մխիթարություն մատուցելու մեր ժողովրդի զավակներին հայրենիքում և համայն աշխարհում: Բարեպաշտ զավակներ Մեր, Տերունապատվեր սիրով ու հոգատարությամբ շաղախենք մեր կյանքն ու գործը, ամուր պահենք համազգային միասնությունն ու համերաշխությունը՝ որպես Քրիստոսով հաղթանակած, Քրիստոսին հավատարիմ հարուցյալ ժողովուրդ: Ապրենք հարության հավատով, Քրիստոսի պատվիրանների իրագործման նախաձեռնություններով՝ նոր հաղթանակներով ու պայծառ երազներով կերտելու մեր բարոյ, շեն ու հզոր հայրենիքը և նրա լուսավոր գալիքը:

Այս մաղթանքով Քրիստոսի հրաշափառ Հարության քաջալերող ավետիսն ենք բերում Մեր հոգևոր եղբայրներին՝ Ն.Ս.Օ.Տ.Տ. Արամ Ա Մեծի Տանն Կիլիկիո Կաթողիկոսին, Երուսաղեմի Հայոց Պատրիարք Ամենապատիվ Տ. Նուրհան արքեպիսկոպոս Մանուկյանին, Կոստանդնուպոլսի Հայոց Պատրիարք Ամենապատիվ Տ. Սահակ արքեպիսկոպոս Մաշալյանին, քույր Եկեղեցիների հոգևոր Պետերին և մեր Սուրբ Եկեղեցու ողջ հոգևոր դասին՝ հայցելով Երկնավոր մեր Տիրոջ օգնականությունն ու պահպանությունը: Հայրապետական օրհնությամբ ողջունում ենք Հայաստանի Հանրապետության նախագահ տիար Արմեն Սարգսյանին և Հայաստանի Հանրապետության վարչապետ տիար Նիկոլ Փաշինյանին, Արցախի Հանրապետության նախագահ տիար Բակո Սահակյանին, հայոց պետական ավագանուն՝ մաղթելով ուժ ու կորով դժվարին իրավիճակները հաղթահարելու և հայրենի պետությունը առաջընթացի ու բարօրության ուղիներով առաջնորդելու: Հայրապետական Մեր սերն ու օրհնությունն ենք բերում հավատավոր Մեր ժողովրդին ի հայրենիս և ի սփյուռս, ի մասնավորի՝ Մեր բարձր գնահատանքը ստեղծված ծանր պայմաններում իրենց երախտարժան ծառայությունը մատուցող բժիշկներին, մեր հաղթական բանակի քաջարի զինվորներին ու սպաներին, ոստիկաններին, ուսուցիչներին, գովարժան սպասավորություն իրականացնող բոլոր նվիրյալ անձանց:

Աղոթք ենք բարձրացնում առ Փրկչի մեր Տերը, որ Հարության Իր լուսեղեն շնորհները տարածալ պահի համայն մարդկության, հայրենի մեր երկրի, աշխարհասփյուռ մեր ողջ ժողովրդի վրա, ազատի փորձություններից և պարզի խաղաղություն և երկնահեղ անսպառ օրհնություն: Թող Քրիստոսի Հարության և կյանքի հաղթանակի բարի ավետիսը մշտապես լինի մեր սրտերում ու հոգիներում: Եվ միասնաբար, Քրիստոսով քաջալեր ու զորացած, փորձությունները հաղթահարելով և մեր նոր կյանքը կերտելով՝ միշտ փառաբանենք Ամենակալն Աստծուն Իր անսահման սիրով մեզ պարզապես փրկության և հավիտենական կյանքի անգին շնորհների համար:

Մնացեք Տիրոջ սիրո, շնորհի և օրհնության ներքո այժմ և միշտ և հավիտյանս. ամեն:

Քրիստոս յարեալ ի մեռելոց, Օրհնեալ է Հարութիւնն Քրիստոսի:

ԱՐՏԱԿԱՐԳ ԻՐԱՎԻՃԱԿ

ՇԵՌԱՎԱՐ ՈՒՍՈՒՅՄԱՆ ԿԱԶՄԱԿԵՐՊՈՒՄԸ ԵՆՈՒՆԻ Խ. ԱՐՈՎՅԱՆԻ ԱՆՎԱՆ ԳՊՐՈՅՈՒՄ



բոլոր հնարավոր միջոցներն ընդդեմ մի հիվանդության, որն ուզում է կլանել Աստու ստեղծած մարդկային կյանքը Երկիր մոլորակի վրա: Ավետարանի Եփեսոսցի թղթում գրված է. «Ձեր վրա հագեք Աստու սպառազինությունը, որպես զի կարող ըլլաք սատանային հնարներուն դեմ դնել... Ասոր համար ձեր վրա առեք Աստու սպառազինությունը, որպես զի կարող ըլլաք չարության օրը դեմ դնել...» (Եփես. 6:11, 13):

Ստեղծված պայմաններում որևէ կերպ չի նվազում մատաղ սերնդի կրթության դերն ու անհրաժեշտությունը: ՀՀ և ԱՀ ԿԳՄՆ-երի կողմից ձեռնարկված օնլայն դասերը ուսանելի ուղեցույցներ են, և դպրոցների ուսուցիչները ջանասիրաբար վարում են ժամանակի պահանջին համահունչ հեռավար ուսուցում դպրոցականների և սովորողների համար:

Երբ հիվանդանոցներում կենաց և մահու պայքար է գնում անգամ կյանքի գնով պահպանելու հիվանդների կյանքը, ստեղծված արտասովոր իրավիճակի պայմաններում պակաս կարևոր չէ մատաղ սերնդի ուսուցումը կարանտինային պայմաններում: Օնլայն ուսուցումն առաջատմ ամենաարդյունավետ աշխատանքն է մատաղ սերնդի կրթության շարունակականության գործում: Կարելի է ասել, որ հեռավար ուսուցումը միակ փրկողական է՝ աշակերտներին չկտրելու ուսուցումից: Եվ մանկավարժներից պահանջվում են զգալի ջանքեր ուսուցումը ճիշտ կազմակերպելու նպատակով: Համաշխարհային վարակի մահաբեր սպառնալիքի պայմաններում, երբ վարակը ժամ առ ժամ սկսում է տարածվել Արցախի սահմաններից ներս, պահանջվող ողջախոսի և զգուշավոր քայլերի և պաշտպանիչ բժշկական ուղղորդումների կիրառմամբ իրականացնում ենք հեռավար կրթությունը դպրոցներում:

Մեզ մոտ արդեն ապրիլի 12-ից մտցված արտակարգ իրավիճակի պայմաններում, պահպանելով անհրաժեշտ ինքնամեկուսացումը, ըստ դասացուցակների անց ենք կացնում դասապարապմունքները: Միաժամանակ հետևում ենք հեռահաղորդվող փորձառու մասնագետների հեռուստադասերին,

որոնք խթանիչ դեր են կատարում:

ԿԳՄՆ-ի կողմից ներկայացվել են այն բոլոր հարթակները, որոնց օգնությամբ կազմակերպվում են հեռավար դասապարապմունքները:

Այս գործում մեծ պատասխանատվությամբ իրենց աշխատանքներն են իրականացնում նաև Շուշիի Խաչատուր Աբովյանի անվան միջնակարգ հոսքային դպրոցի մանկավարժները: Ուսուցիչը բարեխիղճ է բոլոր իրադրություններում. ինչպես դասարաններում, այնպես էլ հեռավար հարթակում աշխատելիս: Նրանք օգտվում են տարբեր հավելվածներից: ԿԳՄՆ-ի կողմից առաջադրվել է ZOOM հարթակը, որը, ըստ իս, ամենաառաջնայինն է: Տեսակապի միջոցով համակարգչի էկրանին երևում է ամբողջ դասարանը: Ուսուցիչը դասին մասնակից է դարձնում բոլոր աշակերտներին, ստուգում մատուցված դասի յորացվածությունը անհրաժեշտ հարցերով և ստանում դասի յուրացման պատկերը յուրաքանչյուր դասարանում: Դասերին գրագիտորեն կիրառվում են մի շարք դիդակտիկ նյութեր՝ դասաընթաց դարձնելով տեսանելի և ավելի մատչելի: Դասաընթացի մատուցման ժամանակ օգտագործվող համակարգչի էկրանի վրա պարունակվող նախօրոք պատրաստված նյութը word-ի, excel-ի միջոցով, լուսանկարի տեսքով, դասավելի արդյունավետ ենք դարձնում: Դիդակտիկ անհրաժեշտ պիտույքներից է համակարգչային գրատախտակի օգտագործումը: Մեր կրթօջախում ZOOM հարթակով աշխատելուն մեծապես նպաստել է դպրոցի հատուկ մանկավարժ Գայանե Իշխանյանը, որը մեծահոգաբար կոլեկտիվի մի մասին սովորեցրել է, թե ինչպես կիրառել վեբոնլայն հարթակը:

Ուսուցիչների կողմից գործածվում են նաև Viber, whatsapp հարթակները:

Դպրոցի տնօրեն Լիանա Հարությունյանի հաղորդած տվյալներով՝ բոլոր ուսուցիչները կարողանում են իրականացնել հեռավար ուսուցումը՝ կիրառելով տարբեր մեթոդներ և հաղորդակցման միջոցներ:

Դպրոցի մանկավարժական կոլեկտիվը

ակտիվորեն կատարում է իր առջև դրված պարտականությունները: Կոլեկտիվի բոլոր անդամները՝ 50 մանկավարժ, կատարում են ինտենսիվ աշխատանք. դպրոցի 610 աշակերտներին, որոնք ընդգրկված են 23 կոմպլեկտ դասարաններում՝ 26-35 աշակերտների ծանրաբեռնվածությամբ, մասնակից են դարձնում հեռավար դասապարապմունքներին՝ կատարելով առեղծված աշխատանք:

Տարրական օղակի 9 դասարանների դասավարդները, ծնողների հետ համագործակցելով, նվիրված աշխատանք են կատարում: Միջին օղակի 11 դասարաններում առարկայական մասնագետները խորացնում են աշակերտների գիտելիքները: Ավագ օղակի 3 դասարաններում, որոնք գործում են բնագիտական և հումանիտար հոսքերով, սաները շարունակում են խորացված գիտելիքներ ստանալ հնուտ մանկավարժների շնորհիվ: Դպրոցում գործող 7 հանձնաժողովների՝ տարրական, հայոց լեզվի և գրականության, ռուսաց լեզվի, օտար լեզվի, մաթեմատիկայի, բնագիտության և պատմության մեթոդախորհուրդների նախագահներն իրենց անդամների հետ կապվում են և տեղեկացնում իրահանգների մասին՝ միաժամանակ իմանալով, թե ինչ աշխատանք է տարվում:

Ծնողներն իրենց գոհունակությունն են հայտնում ուսուցիչների կատարած աշխատանքի առնչությամբ: Առանձին ուսուցիչներ սովոր դասարանները կիսում են երկու մասի, որ դասերն ընկալելի լինեն աշակերտների կողմից, ինչպես օրինակ, տնօրեն Լիանա Հարությունյանը, հայոց լեզվի ուսուցչուհի Սուսաննա Ստեփանյանը, այլք:

Կրթության ասպարեզը նվիրյալներին է, և այդ գործում իրենց ակնառու դերն ունեն Շուշիի շրջանի ամենամեծ կրթօջախի՝ Խ.Աբովյանի անվան դպրոցի մանկավարժները, որոնք անբասիր աշխատանքով կերտում են հայրենի դպրոցի պատմությունը՝ անմացորդ աշխատելով նաև արտակարգ իրադրության պայմաններում:

Վարդիթեր ՀԱԿՈՔՅԱՆ

ԻՐԱՎԻՃԱԿԸ ՊԱՐՏԱԴՐՈՒՄ Ե

Արցախի ԿԳՄ նախարարի 2020թ. մարտի 13-ի հ. 19 /Ա իրամանով ուսումնական հաստատություններում ժամանակավորապես դադարեցվեցին պարապմունքները, չեղարկվեցին մշակութային, մարզական և այլ զանգվածային միջոցառումներ:

Նոր տեսակի կորոնավիրուսային հիվանդության տարածումը կանխելու և աշխատողների համար անվտանգ ու առողջության համար անվտանգ պայմաններ ապահովելու նպատակով կազմակերպվեցին կանխարգելիչ, հակահամաճարակային մի շարք միջոցառումներ, դպրոցական հաստատություններում սահմանվեց հերթապահություն 3-4 հոգանոց խմբերով:

Մարտի 22-ից հետո ուսումնական հաստատություններում ուսումնական գործընթացը սկսեց կազմակերպվել հեռավար եղանակով:

Թե ինչպես է այն կազմակերպվում, ինչ խնդիրներ ու անհարմարություններ են ծագում մանկավարժների մոտ, փորձեցին ճշտել Խնամարար Ա.Հայրապետյանի անվան միջնակարգ դպրոցի տնօրեն Լյուդմիլա Մոսիյանից և ուսումնական գործընթացի պատասխանատու, փոխտնօրեն Գայանե Աղաբաբյանից:

Հանդիպումը դպրոցում էր, որը հնարավորության սահմաններում ապահովված էր կանխարգելիչ միջոցներով, պահպանվում էին սահմարահակահամաճարակային կանոնները: Ներկա ուսուցիչներն աշխատում

էին առանձին-առանձին՝ հեռավորություն պահպանելով, որը՝ ուսուցչանոցում, որը՝ կաբինետում:

Դպրոցի տնօրենի հավաստմամբ պահպանվում են հակահամաճարակային միջոցառումները, սահմանված է հերթապահություն, չնայած տարիքով ուսուցիչներն ավելի



շատ են ներկայանում, որպեսզի երիտասարդներն օգնեն իրենց: Ուսուցիչներն օգտվում են տարբեր հարթակներից (dasaran.am, imdproc.am, viber, whatsApp, zoom), որը որ իրենց հարմար է: Հիմնականում նյութերը վերցնում են imdproc.am -ից, մոր դասերը տեղադրում են dasaran.am-ում կամ օգտվում են հեռու դրամից: Viber-ով տեղեկացնում են առաջիկա դասերի մասին, վարում դասերը, պատասխանում աշակերտների հարցերին: Հեռավար դասերի համար (խմբային կամ

ընդհանուր) հաճախ են օգտագործում zoom հարթակը:

Սովորողների ներկայության ապահովումը, սակայն, հնարավոր չէ ամբողջությամբ կազմակերպել: Տարրական դասարանների ծնողներն անպայման պետք է ներկա գտնվեն, իսկ նրանք աշխատանքից երբեմն ուշ են տուն գալիս, և գործընթացը որոշակիորեն տուժում է: Որոշ տներում էլ ընդհանրապես բացակայում է կապը: Աշակերտները լավ չեն վարժված dasaran.am-ից օգտվելու կանոններին, ինչն էլ նրանց համար դժվարացնում է գործընթացը:

Մանկավարժների համար հիմնականում ուղեցույցը dasaran.am հարթակում տեղադրված «Դասեր» գործիքն է:

«Ամեն օր հետևում են նրանց աշխատանքին, - ասում է դպրոցի ընթացիկ Լյուդմիլա Մոսիյանը: - Բոլոր ուսուցիչները մեծ պատասխանատվությամբ են կատարում իրենց ուսերին դրված այս ծանր աշխատանքը, որ թելադրված է արտակարգ իրավիճակով: Նրանք հարթակ են մտնում տարբեր ժամերի: Փոքր երեխաներ ունեցող ուսուցիչները նախընտրում են ավելի ուշ ժամերը, քանի որ և՛ համացանցն է այդ ժամերին թեթև, և՛ իրենց է հարմար: Այնպես որ, չաշխատող ուսուցիչ չունենք: Բայց ինչ էլ լինի, մենք կարոտով ու անհամբերությամբ ենք սպասում զանգի դողանքներով կազմակերպվող դասերին ու ավելի շատ՝ մեր սաներին: Առկա ուսուցմանը ոչինչ չի կարող փոխարինել: Ինչ արած, հարմարվում ենք իրավիճա-

կին ու հույսով սպասում լուսավոր օրերին»:

Դպրոցի ուսմանավար Գայանե Աղաբաբյանի գործը մոր իրավիճակի թելադրանքով ավելի է մեծացել. ստիպված է ամեն օր դպրոց գնալ, համացանցից նյութեր առանձնացնել՝ ուսուցիչներին օգնելու համար: Նա նշում է, որ տարրական և միջին դասարաններում դասավանդող ուսուցիչների համար է ծագում հիմնական դժվարությունը, քանի որ այդ դասարանների երեխաները տեխնիկական սարքերից օգտվելու հմտություններ դեռևս չունեն, հեռախոս կամ համակարգիչ էլ չունեն: Բայց երբ հունի մեջ ընկան, սկսեց աշխուժություն տիրել նրանց մոտ: Եթե վարժվում են հարթակից օգտվելու, գործը հեշտանում է, իսկ գլխավոր խնդիրը թույլ կապի առկայությունն է:

Ուսումնական գործընթացն արդյունավետ կազմակերպելու նպատակով նա անընդհատ որոնումների մեջ է: Իր վկայությամբ՝ գերադասում է dasaran.am հարթակը, որովհետև աշակերտները համեմատաբար լավ են տիրապետում, ծանոթ են նրան, և հնարավոր է դառնում համաժամանակյա դասեր վարել: Այն հարցին, թե ինչպես է ապահովվում կապը երեխաների հետ, փոխտնօրենը պատասխանեց, որ դրանք շատ տարբեր են. տարբեր դասարաններ, տարբեր մակարդակներ: Դասացուցակն էլ կապ չունի այդ ընթացքում, խիստ պարտադրված չէ: Ամեն երեխա իրեն հարմար պահի մտնում է հարթակ, կատարում հանձնարարությունը և ներկայացնում ուսուցիչին:

ՆՏՈՒՎԱՐ ՈՒՍՈՒՑՈՒՄ

ՆՏԱՔՐՔԻՐ ՓՈՐՁԱՊՈՒԹՅՈՒՆ ԲՈՒՈՐԻ ՆԱՄԱՐ

Վերջին շրջանում ՀՀ-ում կորոնավիրուսի տարածմամբ պայմանավորված՝ փակվել են դպրոցները, բուհերը, մանկապարտեզները, կրթական այլ հաստատություններ: Ցավոք, ապրիլի 7-ին Արցախում գրանցվեց կորոնավիրուսով վարակվածության առաջին դեպքը: Արդեն տևական ժամանակ է, ինչ Արցախի բնակչության անվտանգությունն ապահովելու նպատակով ոչ միայն ուժեղացվել է պետական վերահսկողությունը Հայաստանից Արցախ վերադարձողների նկատմամբ, այլև ժամանակավոր փակվել են Արցախի Հանրապետության կրթական հաստատությունները: Ինչքան կտևի այս իրավիճակը՝ պայմանավորված է հետագա զարգացումներով:

Ուսումնական ծրագրից շատ ետ չմնալու նպատակով ԱՀ ԿԳՍ նախարարությունը մշակել է ծրագիր, համաձայն որի հանրապետության կրթական հաստատությունները պետք է իրականացնեն հեռավար ուսուցում:

Որքանով է հեռավար ուսուցումը հասանելի աշակերտներին և ուսուցիչներին, որքանով է արդյունավետ մասն ուսուցման իրականացումը՝ պարզելու համար դիմեցինք շրջվարչակազմի աշխատակազմի կրթության և սպորտի բաժնի վարիչ Ջորիկ Ղուլյանին:

Բաժնի վարիչի տեղեկատվությամբ հեռավար ուսուցում է իրականացվում շրջանի 36 հանրակրթական դպրոցներում և 7 մասնաճյուղերում: Հեռավար ուսուցմանը ներգրավված են ուսուցիչների 80%-ից ավելին, աշակերտների՝ 80-90%-ը: Ուսուցման կազմակերպման գործում առկա են մի շարք խնդիրներ, մասնավորապես՝ ոչ բոլոր աշակերտներն ունեն ժամանակակից հեռախոսներ և համակարգիչներ, միևնույն ընտանիքում կան 3-4 դպրոցահասակ երեխաներ, բոլոր ընտանիքներում չէ, որ համացանցից օգտվելու հնարավորություն կա, համացանց

րինել ավանդական ուսումնական գործընթացին:

«Ժամանակակից արագ փոփոխվող տեխնոլոգիաների աշխարհում հեռավար ուսուցման իրականացումը բնականոն գործողություն է, քանզի այսօր աշխարհը կարիք ունի ճկուն և արդյունավետ ուսումնառության, որը հնարավորություն կտա ցանկացած վայրում, ցանկացած ժամանակ անհատական տեմպերով ուսում ստանալ նրանց, ովքեր ունեն դրա կարիքը: Համացանցի և վեբ տեխնոլոգիաների արագ զարգացումը մեզ տեղեկատվության փոխանակման, ինչպես նաև օգտագործողների շրջանում փոխգործունեության և համագործակցության հնարավորություն է տալիս», - մեր գրույցի ժամանակ սասց Ջ.Ղուլյանը:

«Հեռավար ուսուցման գործընթացը հետաքրքիր փորձ է ինչպես աշակերտների և ուսուցիչների, այնպես էլ ծնողների համար: Ավելացել է ծնողների մասնակցությունը դասապատրաստմանը: Ինքս էլ աշխատում եմ տնից: Հեռավար ուսուցման իրականացումն այս օրերին պարզապես անհրաժեշտություն է: Սա միակ ճանապարհն է սահմանված ժամանակացույցից ետ չմնալու համար», - հավելում է Մարտունու Ն.Ստեփանյանի անվան հ. 1 միջնակարգ հոսքային դպրոցի տնօրենի ՄԿԱԳ տեղակալ Ջուլիետա Սարգսյանը:



աշխատում է խափանումներով: Բայց, չնայած վերոնշյալին, հնարավոր բոլոր միջոցներն օգտագործվում են ուսումնական ծրագրից ետ չմնալու և գործընթաց արդյունավետ շարունակելու համար: Նշվեց նաև, որ հեռավար ուսուցում չեն իրականացվում հիմնականում ֆիզիկա-տուրա, կերպարվեստ, տեխնոլոգիա, երաժշտություն առարկաներից: Այս ուսուցման առավելությունն այն է, որ աշակերտներն անգործության չեն մատնվում, և իրականացվում է ուսումնական ծրագիրը, սակայն այն չի կարող փոխա-

պես էլ ծնողների համար: Ավելացել է ծնողների մասնակցությունը դասապատրաստմանը: Ինքս էլ աշխատում եմ տնից: Հեռավար ուսուցման իրականացումն այս օրերին պարզապես անհրաժեշտություն է: Սա միակ ճանապարհն է սահմանված ժամանակացույցից ետ չմնալու համար», - հավելում է Մարտունու Ն.Ստեփանյանի անվան հ. 1 միջնակարգ հոսքային դպրոցի տնօրենի ՄԿԱԳ տեղակալ Ջուլիետա Սարգսյանը:

Արմինե ԴԱՆԻԵԼՅԱՆ  
ք. Մարտունի

ԻՐԱՎԻՃԱԿԸ ՊԱՐՏԱԴՐՈՒՄ Է

Գնահատումը կատարվում է մասնակազմական կապի միջոցով: Գ. Աղաբաբյանը շեշտում է, որ ՀՀ հանրային հեռուստատեսության ներկայացրած հեռավար դասերը, որ վարում են արհեստավարժ մասնագետները, միշտ դպրոցի ուսուցիչների ուշադրության կենտրոնում են: Նրանք իսկույն որոնում-գտնում են ու մատուցում երեխաներին: «Իրավիճակը պարտադրող է, պարտադրանքն էլ ապարդյուն չի անցնում,- փաստում է փոխտնօրեն Գ.Աղաբաբյանը:- Որպես ուսնավար՝ աշխատում եմ որոշ չափով թեթևացնել մեր ուսուցիչների ուսերին ծանրացած այս բեռը: Ինձ համար հարմար հարթակ է dasaran.am-ը, ինչ նյութ որ հանդիպում է, իսկույն մտածում եմ՝ սա այս ուսուցչի համար է, սա՝ մյուսի, և այդպես շարունակ: Ասեմ ավելին. որպեսզի մեր երեխաների առօրյան հետաքրքիր դառնա, Ապրիլի 7-ի Մայրության ու գեղեցկության տոնը իսկական տոն դարձնելու նպատակով անակնկալ եմ մատուցել երեխաներին և նրանց մայրիկներին: Առաջարկել եմ մայրիկների հետ միասին դիտել «Առակ մայրիկի մասին» հրաշալի ստեղծագործությունը, դիտելուց հետո հանձնարարել՝ արձագանքն իմ եզրակացությանը. «Եթե կատարել եք իմ հանձնարարությունը, ուրեմն ձեր մայրիկն այս պահին հուզված է ու ժպտում է: Ուրեմն նա երջանիկ է: Ապրես, իմ սանիկ, դու երջանկացրիր քո մայրիկին, գո՞հ ես քեզից: Ուղարկիր «այո» կամ «ոչ այնքան» պատասխանները»: Արձագանքները բազմաթիվ էին՝ հաճելի ակնթարթներով ցողված: Այսպես փորձում ենք մեղմել մեր երեխաների այս ոչ օրինաչափ առօրյան»:

Գայանե Աղաբաբյանը մասնակցում է նաև ՀՀ և Արցախի Հանրապետության ուսուցիչների համար ԿՏԱԿ-ի կողմից կազմակերպվող դասընթացներին: Ստուգաբլի հաջողությամբ հանձնելուց հետո նրանց հավաստագիր կտրամադրվի՝ ծրագրին տիրապետելու և հեռավար դասեր վարելու համար:

Ահա այսպես ամեն կրթօջախ այս անորոշ իրավիճակից դուրս գալու ուղիներ է որոնում ու իր առջև ծառայած խնդիրներին յուրովի լուծումներ տալիս, ուղիներ փնտրում՝ մեղմացնելու խախտված ուսուցման գործընթացի՝ իրավիճակով թելադրված շարունակականության այս տարբերակը:

Սուրայա ԴԱԶԱՐՅԱՆ

ՉԵՈՔ ԲԵՐԱԾ ՓՈՐՁԸ ՄԵԾ ԱՐԺԵՔ Է ԵՎ ԶՊԵՏՔ Է ԿՈՐՅՆԵԼ

1 Այն գաղափարն էր հնչում, թե դաս-դասարանային համակարգը հնացել է: Այս միտքը հնչել է նաև Արցախի կրթական ֆորումի ժամանակ: Ասվել է, որ ավանդական այդ հասկացությունն աստիճանաբար վերանում է: Վերանում է ավանդական դասը, երբ ուսուցիչը կանգնում է գրատախտակի մոտ, մի բան բացատրում, հետո բոլորը միասին հաջորդ օրն անցնում են այլ թեմայի: Յան Ամոս Կոմենսկու ստեղծած դաս-դասարանային համակարգը, որ արդեն 300 տարուց ավելի տարածված է ամբողջ աշխարհում, հիմա արդեն ընթացում է այլ համակարգի կայացման ուղղությամբ: Գիշտ է, այնքան էլ շատ չէին նոր ուղղությամբ գնացողները: Բայց հիմա արագորեն մասնավարժական աշխարհայացք է փոխվում:

Ասվում էր, որ դպրոցը երեխաների սոցիալականացման լավագույն միջոց է: Ա. Փախչանյանի համոզմամբ՝ այդպես չէ. «Երեխաներին պարտադրաբար բերել դպրոց և 6 ժամ նստեցնել սեղանների շուրջը՝ սոցիալականացման լավագույն փորձառությունը չէ: Կարելի է երեխաներին ներգրավելու շատ լավ սոցիալականացման ճանապարհներ գտնել. համատեղ մախազներ, ամառային ճամբարներ և այլն: Այնպես որ, «դասական դպրոց» հաս-

կացությունը նոր մոտեցում է պահանջում. սթափ մայել այս նոր իրականության տեսանկյունից և վերանայել մոտեցումը, որովհետև մախկին մոտեցումն արդեն հնացել է, վերջ, այն արդեն գոյություն չունի»:

Առցանց ուսուցումը միանգամայն ակնհայտ դարձրեց աշակերտների և ուսուցիչների գերծանրաբեռնվածությունը: Ծնողի ներգրավվածությունը երեխաների կրթության գործընթացում հիմա դարձել է իրական: Այս երևույթը շատ դրական ազդեցություն ունի երեխաների վրա: Այդ մասին բազմաթիվ հետազոտություններ կան, դա փաստ է, և այդ փաստը հիմա մենք տեսնում ենք մեր աչքերով:

Ա. Փախչանյանը կարևոր մի խնդիր վրա է ուշադրություն հրավիրում. արդյո՞ք կրթությունը պետք է լինի անհատականացված, թե պետք է լինի բոլորի համար նույնը: Առցանց կրթության պարագայում կարևոր է դառնում ձևավորող հետադարձ կապը. երեխային ասել՝ ինչն է ճիշտ, ինչն է սխալ, որտեղ կարող է զարգանալ: Սա շատ ավելի արդյունավետ է աշխատում: Իսկ գնահատականները դառնում են երկրորդական. «Համակարգ, որը չի աշխատում 90-ական թվականներից, և ապացուցված է, որ թվանշանային գնահատումը արևուրդ է, մենք շարունակում ենք դա անել 30

տարի: Այժմ հնարավորություն է ստեղծվել բացառելու, տանք այն, ինչ ամբողջ աշխարհում համարվում է ճիշտ՝ հետադարձ ձևավորող կապը»:

Անդրադառնալով առցանց ուսուցման համար մեթոդաբանության ստեղծման անհրաժեշտությանը՝ Ա. Փախչանյանը գտնում է, որ այդ հարցում ոչ թե նոր, այլ ճիշտ մեթոդաբանություն է պետք. «Այն գործիքները, որոնցով հիմա ուսուցիչներն առցանց աշխատում են, արդյունավետ աշխատում էին նաև դասարանում: Եվ այն գործիքները, որոնք հիմա չեն աշխատում, չէին աշխատում նաև դասարանում, ուղղակի մենք այդ մասին չգիտեինք: Թվում է, թե դրանք աշխատում են, թվում է, թե երեխան դասարանում նստած լսում է: Զի լսում, նա իր մտքերի հետ է, որովհետև յոթ րոպեից ավել խոսող ուսուցչին երեխան արդեն չի լսում: Մենք դրան ուղղակի առնչվեցինք հերթական անգամ: Եվ ուրախացանք, քանի որ արդեն չափելի է այդ գործընթացը, և տեսնում ենք՝ որն է արդյունավետ, որը՝ ոչ»:

Փախչանյանը կարևորեց դասապրոցեսի կազմակերպման հարցում աշակերտների տեսակետները հաշվի առնելը՝ ընդգծելով, որ իրենց «Այք» դպրոցը, լսելով աշակերտների տեսակետները, որոշել է

իրաժարվել տնային հանձնարարություններ տալու պրակտիկայից: «Տնային» հասկացությունը ինքնուրույն վերանում է: Կա աշխատանքի ծավալ, որի արդյունքում երեխան ձեռք է բերում որոշ հմտություններ: Ինչքան այդ ծավալն ավելի արդյունավետ անի, այնքան ավելի այդ հմտությունը ձեռք կբերի: Առցանց ուսուցման ձևաչափով աշակերտները չեն շեղվում, ամեն մեկն իր տանը նստած՝ կենտրոնացած աշխատում է: Նրանք նյութը կարողանում են յուրացնել առանց հավելյալ տնային աշխատանքի: Այնպես որ, նրանց աշխատանքի ծավալն իրականում նվազում է ավելի արդյունավետ աշխատելու շնորհիվ»:

Այդքանով հանդերձ, Փախչանյանը չի պնդում, թե կրթությունը կդառնա առցանց: Բայց ասում է, որ հետաքրքիր հիբրիդային մոտեցում է ձևավորվելու, և այդ մոտեցումը դառնալու է ոչ միայն դպրոցական կրթության, այլ նաև համալսարանական կրթության մաս, և հետո կյանքի՝ աշխատանքի մաս: Նա օրինակ է բերում աշխարհի ընկերություններին, որոնք հասկացել են, որ օֆիսները պետք չեն, ուղղակի սովորության համաձայն պահում են, քանի որ ուրիշներն անում են, և իրենք էլ են անում, որպեսզի տարօ-

րինակ չթվան: Եվ ասում են, որ հիմա օֆիս չեն վերադառնա: Շատերը փակել են office-ային տարածքները, ստեղծել են co-working-ներ (համագործակցություն, աշխատանքի կազմակերպման մոտեցում), որտեղ մարդիկ աշխատում են:

Այսպիսով, աշխարհն է փոխվել, և դրան համապատասխան անխուսափելիորեն դպրոցական միջավայրը պետք է փոխվի: «Երեխաները չեն հասկանա, եթե նրանց նորից խցկեն դասարանները, և ուսուցիչը հին ձևով սկսի նրանց հետ խոսել: Չարմանալու են, թե ինչու այդ դեպքում իրենք այդքան տանջվեցին, այդքան հմտություններ ձեռք բերեցին, որ հիմա չեն օգտագործելու»:

Շատերի պես Փախչանյանը դրական է վերաբերվում այս ամենին. «Կարծում եմ, որ հետաքրքիր փորձ ձեռք բերեցինք, հետաքրքիր փորձառություն: Սա շատ մեծ արժեք է, և մենք իրավունք չունենք այդ արժեքը կորցնելու»: Նա հրավիրում է բոլոր շահագրգիռ մարդկանց ուշադրությունը և կոչ անում օրենսդիրներին՝ կրթության համակարգում հաշվի առնել այս փորձառության կիրառման հնարավորությունները մոտակա ժամանակաշրջանում:

Ս. ԽԱԶՏՐՅԱՆ

ԳԻՏՈՒԹՅՈՒՆ

ԱՐՇԵՏԱԿԱՆ ԲԱՆԱԿԱՆՈՒԹՅՈՒՆԸ ԵՎ ՄԱՐԴԻԿ ԿՈՌՅԱԿՅԵՆ, ՉԵՆ ՄՐՅԻ, ԱՅՆ ԿԾԱՈՒՅԻ ՄԵՋ ԱՐՄԵՆ ՍԱՐԳՍՅԱՆ

Միխարգավոր դուրաների ներդրումները կատարելով արհեստական բանականության ոլորտում կբաղենք դրանց պտուղները բժշկության, տիեզերքի հետազոտության և գիտության այլ ճյուղերում: Աբու Դաբիբուն լույս տեսնող The National պարբերականը Opinion («Տեսակետ») խորագրի ներքո ներկայացրել է Հայաստանի Հանրապետության նախագահ Արմեն Սարգսյանի մտորումները:

Եթե 200 տարի առաջ Չինաստանում համաճարակ լիներ, ապա այն եվրոպա կհասներ միայն տարիներ հետո: Այսօր, երբ առաջին դեպքերը տեղի ունեցան Չինաստանում, երկրորդ ակտիվ կարող է արձանագրվել Արգենտինայում կամ Նյու Յորքում: Նույնն է տեղի ունենում ֆինանսական ռիսկերի դեպքում:

Շատ զլոբալ ռիսկեր, իրոք, ի հայտ են գալիս նման արագությամբ: Եվ եթե մենք ցանկանում ենք գնահատել դրանք և գտնել լուծումներ, ապա պետք է փոխենք մեր վերաբերմունքը՝ օգտագործելով ֆիզիկայի, քիմիայի և կենսաբանության կենսունակ ու հարմարվողական մեթոդները:

Առաջին երեք արդյունաբերական հեղափոխությունները բացատրելու համար դյուրին էին: Առաջինի դեպքում մենք բացահայտեցինք՝ ինչպես այրել վառելանյութն արտադրության գործարկման համար, երկրորդի դեպքում մեր կյանքն ավելի լավ դարձնելու նպատակով օգտագործեցինք էլեկտրականությունը, իսկ երրորդին սովորեցինք՝ ինչպես օգտագործել համակարգիչները:

Նույնիսկ եթե աշխարհն անցնում է չորրորդ արդյունաբերական հեղափոխության միջով, որտեղ թվային, կենսաբանական և ֆիզիկական աշխարհները համոզիչ կանգնան են արհեստական բանականության ոլորտում, համեմատաբար լավ չի ընկալվում, թե նոր հաշվողական տեխնոլոգիաներն ինչպես կհարմարեցվեն մեր բնական ինտելեկտին:

Այս տարվա սկզբին կայուն զարգացման համար աշխարհի առաջատար հարթակներից մեկուն՝ «Աբու Դաբիբ կայունության շաբաթի» ընթացքում, ես ներկայացրի իմ տեսակետն արհեստական բանականության ապագա ազդեցության մասին: Որպես նախկին մաթեմատիկոս,

հույս, ֆիզիկոս և համակարգչային գիտնական, որն աշխատել է դրա առաջին մոդելների վրա, կարծում եմ՝ որևէ էական պատճառ չկա արհեստական բանականությունը վախենալու համար: Մարդկային քաղաքակրթության գեղեցունությունն այն է, որ փոփոխությունը, զարգացումը և մտահոգությունը քայլում են ձեռք ձեռքի տված: Մենք պետք է կառավարենք այս իրականությունը և լուծումներ տանք: Կարծում եմ՝ արհեստական բանականությունն ու մարդիկ կօղակակցեն, չեն մրցի, և արհեստական բանականությունը կծառայի մեզ, ոչ թե հակառակը: Ավելին, ճիշտ այնպես, ինչպես նախորդ բոլոր հեղափոխություններն ավարտվեցին ավելի շատ աշխատատեղերի ստեղծմամբ, քան դրանք փակելով, նույնը կլինի նաև չորրորդ արդյունաբերական հեղափոխության պարագայում: Եվ այս նոր աշխատատեղերն օգտակար կլինեն ինչպես տղամարդկանց, այնպես էլ կանանց համար:

Աշխարհն այսօր շատ արագ է փոխվում, և, իմ կանխատեսմամբ, մենք չենք կարողանալու տարբերակել այսօրվա չորրորդ հեղափոխությունը հիմնականում կամ վեցերորդից ու այդպես շարունակ:

Նախորդ յուրաքանչյուր փոփոխություն անհանգստություն էր առաջացնում, թե այն ինչպիսի ազդեցություն կունենա մեր կյանքի վրա և արդյո՞ք աշխատատեղեր կսլփի: Luddites-ից սկսած, որը պայքարում էր մեքենայացման դեմ, մինչև այն վայրը, որ համակարգիչները մեզ բոլորիս անգործ կդարձնեն:

Համաշխարհային քաղաքականության ավանդական կառուցվածքն անցնում է հարմարեցման փուլով: Այս ամենը ենթադրում է, որ մենք անհասկանալի պետք է օժանդակենք մեր առկա աշխատուժին: Հիմնարար նոր գաղափարների աճի դեֆիցիտը և խնդիրներին ոչ ստանդարտ լուծումներ գտնելու կարիքը հանգեցնում են հմտությունների և տաղանդների ավելի կայուն շրջանակի գոյության անհրաժեշտության, քան նախկինում էր:

Դասական քաղաքական պրիզմայում կարևոր նշանակություն ունեին կապի կազմակերպված ձևերը՝ ցեղերը, ազգերը, կրոնները, գաղափարախոսությունները, կուսակցությունները և ռուսացիները ստիպված չեն հնարավորությունները, որոնք տեխնիկապես ունեն հնարավորություն մասնակցելու հեռավար ուսուցմանը, աշխատանքի, ինչպես նաև քաղաքական գործընթացին:

Այդ համատեքստում անցումը քվանտային քաղաքական աշխարհին եղավ ավելի արագ, անկանխատեսելի և, թվում է, թե անկանոն ձևով: Այսօր մենք գտնվում ենք քվանտային քաղաքականության, քվանտային վարքագծի և քվանտային ազդեցության նոր դարաշրջանում, ինչը նաև դժվարացնում է ամբողջ պատկերը տեսնելը, քանի որ այդ ամենը կա միայն է և գլոբալ:

Մինչ մարդկային արարածների համար ամբողջական պատկերը դեռևս կարող է աղոտ լինել, արհեստական բանականությունը գալիս է օգնության: Ապահովելով միխարգավոր դուրաների ներդրում՝ մենք քաղում ենք արհեստական բանականության պտուղները բժշկության, տիեզերքի հետազոտության, գիտությունների այլ ոլորտներում: Սա է ապագան, որը փոխելու է մեր մտածելակերպն ու կենսակերպը: Արհեստական բանականության աստիճանաբար կատարվող ինտեգրացիան գիտությունից ամենօրյա կյանք արդեն իսկ սկսել է ծառայել որպես տեխնոլոգիական և քաղաքակրթական առաջընթացի շարժիչ ուժ: Դպրոցները, ինստիտուտներն ու համալսարանները պետք է հարմարվեն այս նոր իրողություններին՝ նախ և առաջ մրցունակ լինելու, ինչպես նաև արդյունավետորեն ներգրավվելու մեր ընդհանուր ապագայի կերտման գործընթացում: «Համաշխարհային ռիսկերի քվանտային վարքագիծը» իմ գրքում, որը շուտով լույս կտեսնի, ես փորձում եմ բացատրել, թե ինչպես են համաշխարհային ռիսկերը դառնում քվանտային: Մենք պետք է հասկանանք, որ հաշվի առնելով, թե ինչպես է մարդկային կյանքը զարգանում քվային աշխարհում, այն պետք է ազդի ռիսկերի վրա, ինչպիսիք են՝ համաճարակները, ահաբեկչությունը, ֆինանսական ճգնաժամերը:

Այս ամենի եզրահանգումներից մեկն այն է, որ կանայք ունենալու են ավելի մեծ հնարավորություններ, քան նախկինում: Շատ կանանց բացառիկ փորձը՝ որպես սնուցողներ և սոցիալական հոգաբարձիքներ, եղել է շատ մշակույթների սրտում և կենսական նշանակություն է ունեցել կայուն հասարակություն ձևավորելու գործում: Եթե մենք կարողանանք զարկ տալ այսպիսի

փորձառություններին՝ կառուցելու կայուն հարաբերություններ բիզնեսում և բարելավել դրանք տեխնոլոգիաների միջոցով, ապա մենք կհաջողենք ապագայում: Հարցն այն է, թե որքանով են համաշխարհային առաջընթացներն իմաստուն կանանց տալու առավել մեծ հնարավորություններ՝ առերեսվելու աշխարհի մարտահրավերներին:

Մեր աշխատելուց նախ կայուն մույնպես փոխվելու է: Եթե հետադարձ հայացք ենք նետում Իսահակ Նյուտոնի ժամանակաշրջանին, հավանաբար, ամբողջ աշխարհում հազար մարդ էր բարձրագույն մեխանիկա ուսումնասիրում: Էյնշտեյնի ժամանակաշրջանում նա, հավանաբար, մեկն էր այն տասը հազար գիտնականներից, որոնք ուսումնասիրում էին քվանտային ֆիզիկա: Այսօր քանի՞ հոգի է ամբողջ աշխարհում ներգրավված գիտական հետազոտություններում ու զարգացումներում՝ սկսած առաջատար համալսարանների լաբորատորիաների գիտնականներից մինչև դրանց նկուղներում աշխատող երեխաները: Քանի՞ պոստեցիալ Նյուտոններ ու Էյնշտեյններ են դուրս գալու այնտեղից: Եվ ինչքա՞ն է կորցնելու ռիսկը, եթե մենք բացառում ենք բնակչության հիսուն տոկոսը:

Հայաստանում մենք երկար ժամանակ է՝ ընդունել ենք կանանց և տղամարդկանց հավասարապես դիտարկելու կարևորությունը: 1918-1920 թթ. Հայաստանի առաջին Հանրապետությունում առաջին փոխարեններից էր, որը կանանց իրավունք տվեց քվեարկելու և ընտրվելու խորհրդարանում: Այդ ժամանակների առաջին կին դեսպանը Դիանա Աբգարն էր, որը Հայաստանի դեսպան էր ճապոնիայում:

Իհարկե, մեր երկիրը մույնպես այսօր դիմակայում է բազում մարտահրավերների, սակայն մենք զարգացնում ենք տեխնոլոգիաները՝ առաջ շարժվելու համար: Հայաստանը 21-րդ դարի սթարափերից մեկն է: Մեր Advanced Tomorrow նախաձեռնությունը կօգնի զարկ տալ գիտությանն ու տեխնոլոգիաներին և ապահովել ավելի լավ ապագա կանանց և տղամարդկանց համար:

ԻՆՉՊԵՆ ԿԱԶՄԱԿԵՐՊԵԼ ՀԵՌԱՎԱՐ ՈՒՍՈՒՑՈՒՄԸ. ՀՀ ԿԳՄՍՆ ՊԱՐԶԱԲԱՆՈՒՄԸ

Չեռավար ուսուցման արդյունավետ կազմակերպման համար անհրաժեշտ պարզաբանումներ և կանոններ

Ամփոփելով արտակարգ դրության պայմաններում հեռավար ուսուցման շուրջ մեկ ամիսը, անդրադառնալով այս ընթացքում ուսուցիչների, ծնողների, տնօրենների, աշակերտների բարձրագրած տարբեր հարցերին և նպատակ ունենալով հավասարակշռել ուսուցիչների և աշակերտների ծանրաբեռնվածությունը, ամբողջական տեսլականի անձնական րակայների պաշտպանությունը, մեծացնել սովորողների գիտելիքների յուրացման մակարդակը, ներկայացվում են ՀՀ կրթության, գիտության, մշակույթի և սպորտի նախարարության պարզաբանումները հեռավար ուսուցման արդյունավետ կազմակերպման վերաբերյալ:

Ինչպես կազմակերպել հեռավար ուսուցումը

Չեռավար պայմաններում ուսումնական գործընթացը և դասարանի հետ աշխատանքը չեն կարող կազմակերպվել դեմ առ դեմ աշխատանքի նման՝ 30, 40 րոպեով կամ այլ կերպ՝ առցանց համաժամանակյա դասեր իրականացնելու եղանակով: Այս եղանակը առաջ է բերում ուսուցիչների, աշակերտների, իսկ կրտսեր դասարանների դեպքում՝ նաև ծնողների ֆիզիկական հոգնածություն: Ավելին, գործընթացը դադարում է լինել բովանդակային և արդյունավետ՝ դառնալով առավելապես մեխանիկական:

Առաջարկում ենք առաջնորդվել հետևյալ պարզ կանոններով.

• Ուսուցիչը կարող է պլանավորել իր աշխատանքը ոչ թե օրա-

կան, այլ շաբաթական կտրվածքով: Շաբաթվա մեկ օրը՝ սկզբում ուսուցիչը աշակերտներին կարող է տրամադրել շաբաթվա թեմային վերաբերող ուսումնական նյութը, տարբեր հղումներ, լրացուցիչ նյութերի հղումները, դասազրթի համապատասխան նյութը: Ապա համձնարարել ուսումնասիրել այդ նյութը, դուրս գրել անհասկանալի հատվածները, առաջացած հարցերը և ուղարկել ուսուցչին՝ առավել հասանելի որևէ հարթակով: Սրա համար կարող է տրվել մեկից մի քանի օր՝ կախված շաբաթվա թեմայի ծավալից՝ ըստ ուսուցչի պլանավորման՝ հաշվի առնելով ուսումնական պլանով նախատեսված նյութի ամբողջ ծավալը:

• Այնուհետև ուսուցիչը կարող է նշանակել առցանց միաժամանակյա հանդիպման օր: Այդ հանդիպման ժամանակ կպարզաբանվեն աշակերտների հարցերը, ուսուցիչը կտա սպառիչ պատասխաններ և համձնարարականներ մինչև շաբաթվա վերջ կատարելու համար:

• Ուսուցիչը կարող է նշանակել համձնարարությունները ստուգելու համար առցանց համաժամանակյա հանդիպման օր և ժամ: Այդ ժամին խմբային աշխատանքի եղանակով ուսուցիչը կստուգի, թե որքանով են երեխաները յուրացրել թեման: Եթե դասարանում աշակերտների թիվը մեծ է, ուսուցիչը կարող է համձնարարությունը ստուգելու համար նախատեսված համաժամանակյա հանդիպումը կազմակերպել խմբերով:

Նշված ձևով ուսուցման կազմակերպումը հնարավորություն կտա խմայել ֆիզիկական և տեխնիկական ռեսուրսները, երեխաները

և ուսուցիչները ստիպված չեն լինի երկար ժամանակ անցկացնել համակարգչի առջև: Ավելին, համակարգչային սարքավորումներն և ինտերնետային կապ չունենալու պարագայում այս գործընթացը կարող է իրականացվել՝ օգտագործելով հեռուստատեսությամբ հասանելի ուսումնական դասերը, դասազրթերը, այն կախանելի նյութեր, ուսուցչի հետ կարելի է կապվել հեռախոսով: Բոլոր այն ուսուցիչները, որոնք ունեն հեռավար ուսուցման դասընթացների կազմակերպման և հարթակների օգտագործման փորձ, և եթե նման տեխնիկական հնարավորություն առկա է նաև աշակերտների մոտ, ցանկալի է որպես հեռավար ուսուցման կազմակերպման եղանակ օգտագործել դրանք, օրինակ՝ Սուդի հարթակի միջոցով հեռավար դասընթացների կազմակերպումը, Իթիինզումն հասանելի գործընթացների կիրառությունը, Microsoft Office 365 փաթեթով աշխատանքը և այլն: Բոլոր հարթակների վերաբերյալ խորհրդատվությունը և առցանց աջակցության թեժ գիծը հասանելի են հեռավար ուսուցման համալիր էջում՝ heravar.armedu.am:

Իրականացնել աշակերտների հաշվառումը, թե՞ ոչ

Չեռավար ուսուցման գործընթացին աշակերտի մասնակցության նշումը կարևոր է միայն այն առումով, որ պարզ լինի, թե որ աշակերտները չունեն հնարավորություն մասնակցել գործընթացին, հետևաբար, նրանց համար առաջանալու է այդ նյութը հետագայում լրացնելու կարիք: Առաջարկում ենք խուսափել որևէ այլ նպատակով աշակերտի մասնակցության ամրագրումից: Միևնույն

ժամանակ, այն աշակերտները, որոնք տեխնիկապես ունեն հնարավորություն մասնակցելու հեռավար ուսուցման գործընթացին, կարևոր է, որ բաց չթողնեն դասերը՝ հետազայում ստիպված չլինելով լրացնել դրանք:

Ինչպես իրականացնել գնահատումը

Առաջարկում ենք ձեռնպահ մնալ պարտադիր թեմատիկ գրավոր աշխատանքներ իրականացնելու պահանջից, ինչը կրթության կազմակերպման նմանատիպ մեթոդների ժամանակ արդյունավետ չէ և հանգեցնում է լրացուցիչ բարդությունների: Առաջարկում ենք աշակերտների գնահատման ընթացքում հաշվի առնել հեռավար ուսուցման յուրահատկությունները և գնահատումն իրականացնելիս առավելապես առաջնորդվել աշակերտի՝ թեմայի յուրացման մակարդակով: Երկրորդ կիսամյակի, տարեկան գնահատականների ձևավորման, ինչպես նաև գիտելիքների ստուգման, ավարտական և պետական ավարտական քննությունների անցկացման վերաբերյալ կորոշումներին լրացուցիչ տեղեկատվություն:

Ինչպես վարվել այն առարկաների կամ թեմաների պարագայում, որոնց ուսուցումը հնարավոր չէ կազմակերպել հեռավար եղանակով

հնարավորինս իրավիճակին համարժեք, օրինակ՝ ֆիզկուլտուրա առարկայի ուսուցումը առավելապես ուղղորդել դեպի տան պայմաններում կատարման համար հնարավոր վարժությունների ներկայացումը, աշակերտների՝ արտակարգ դրության պայմաններում առողջ ապրելակերպի կազմակերպումը և այլն: Բացի այդ, հորդորում ենք գերծ մնալ երեխաների՝ տարբեր գործողությունների և վարժությունների իրականացման տեսանկարահանումների և դրանք ուսուցչին ուղարկելու պահանջներից:

Էլեկտրոնային մատյանի լրացման անհրաժեշտությունը

Էլեկտրոնային մատյանի լրացման նպատակով հեռավար ուսուցման ծավալների ու ըստ այդմ դասերի լրացման անհրաժեշտության գնահատումն է, ոչ թե ուսուցիչների վերահսկողությունը: Էլեկտրոնային մատյանի հեռալեկտրոնային գործընթացում ներդրվել է նաև որպես ուսուցիչների համար կարևոր աշխատանքային գործիք, որտեղ կզբանցվել արված դասերն ու տրված համձնարարությունները: Հետագայում այս շրջանի համար էլեկտրոնային մատյանում արված գրանցումները թղթային մատյաններ փոխանցելու կարիք չի լինելու: Էլեկտրոնային մատյանի վրա այս շրջանում ուսուցիչների կատարած աշխատանքը կօգնի կատարելագործել համակարգը՝ հետագայում ամբողջությամբ անցնելով դրան և աստիճանաբար հրաժարվելով թղթային մատյանները լրացնելուց:

ՀՀ ԿԳՄՍՆ ՊԱՐԶԱԲԱՆՈՒՄԸ

ՀՀ ԿԳՄՍՆ ՊԱՐԶԱԲԱՆՈՒՄԸ, ՄԵՃԱՎԱՐ ԵՎ ՄՊՈՐՏԻ ՆԱԽԱՐԱՐՈՒԹՅՈՒՆ

30 ՏԱՐԻ ԱՌԱՋ

ԱՊՐԻԼ 1990Թ.

Իմ օրագրից

Պատմական 88-ի փետրվարյան պոռթկումից անցել է ավելի քան երկու տարի, ասել է թե՛ երրորդ տարին է, ինչ մենք՝ արցախահայերս, փոթորկալից վիճակում ենք և ամեն ինչի դիմում ենք մեր Հարցը դրականորեն լուծելու: Բայց չգիտենք ինչու, Մոսկվան որոշումը որոշման հետևից է ընդունում, այն է՝ կիսատպատ, Ադրբեջան կոչեցյալի օգտին, նրա ճնշման տակ, նրա կողմից ուժի գործադրման տակ: Իսկ մենք նորանոր կարգախոսներով արդեն տներում նստած՝ դեմոկրատական հիմունքներով ենք պահանջում մեր Հարցի լուծումը: 1990-ը «սև»-ով մտավ Արցախ աշխարհ, առանձնապես Հին Նոր տարին, որի ժամանակ հայի արյունով ներկվեցին Բաքվի փողոցները: Բաքու, որ հայի ձեռքերով է մշակվել, հղկվել ու Բաքու դարձել:

Այսօր ապրիլ ամիսն է, 1990-ի ապրիլը, գարնան ամենագեղեցիկ ամիսը: Բնության օրինաչափ կարգով բնությունը գարթոնք է ապրում, բուսական աշխարհը ծլում, ծաղկում է, մեր քաղաքին հեքիաթային տեսք տալիս, բայց կանաչագարդ, ծաղկագարդ փողոցներում թե՛ օրը ցերեկով և թե՛ գիշերը հազվադեպ կհանդիպեք մարդուն՝ աշխարհի գարդին, քանի որ սաֆոնովյան տխրահռչակ ռեժիմ է, ավելի ճիշտ՝ պոլյանիչկո-սաֆոնովյան ռեժիմ: Չգիտեմ այս ծախված ռուս-կոչեցյալներին ինչպես են գտել և հասցրել մեր աշխարհը: Ձիմկորական կոչումով իբր գեներալ-մայոր է, բայց կարծես ուղեղը հանած ռոբոտ է. առանց մտածելու կատարում է այն, ինչ որ թունավոր հոգու տեր հայաստյաց Պոլյանիչկոն է թելադրում: Պոլյանիչկո, որ գազամային մկրտությունը ստացել է Աֆղանստանում, երբ գտնվելով այնտեղ, երկրի վարչապետի՝ Նաջիբուլայի ավագ խորհրդատուն էր, և այսօր այս մարդու կազմակերպչական նախագահ լինելով՝ սպառնալիքների աքցանի մեջ է առել մեզ՝ արցախահայերիս՝ չգիտակցելով, որ դարաբաղից հայը մարդու առանձնահատուկ տեսակ է, նրա համառությանը սահման չկա, որոշել է հասնել իր արբերու իրավունքին, իր ազատությանը: Եվ ինչ էլ որ լինի, հասնելու է: Պայքարելու է մինչև վերջ, այն էլ բացահայտ կերպով, արար-աշխարհին իրագրելով:

**1.04.1990թ.:** Օրը կիրակի է: Որպեսզի չարթնացնեն աղջիկներին ու նրանց մորը, դուռը կանացուկ բացելով դուրս են գալիս բակ, լիաթոք շնչում այգուս բազմատեսակ ծառերի ծաղիկներից արծակված անուշ հոտը և սկսում փխրեցնել դեռ ծաղիկները չբացված խնձորենիների բների շուրջը: Քար լռություն է, որը խախտվում է թռչունների, ավելի ճիշտ, ծիտիկների ծլվլոցով, մեկ էլ մեր՝ Կնունյանցների փողոցով անցնող պարեկների խրոխտ քայլերի ձայներից: Քանի որ այս զինվորները պատուհանի մոտով են անցնում, նրանք քայլերի ձայներից արթնանում են նաև երեխաներս: Թամարաս մի բաժակ թեյ է բերում, և ես, փխրեցումը թողնելով, նստում եմ բակում դրված մահճակալին, օգտվում թեյից և սպասում օրվա փոստին: Բայց այդպես էլ այդ օրը ոչ մի թերթ չստացա: Ռադիոն ու հեռուստացույցն էլ չեն գործում: Պոլյանիչկո-Սաֆոնով երկայակուն կուլ են գնացել:

**2.04.1990թ.:** Չգիտեմ ինչու, դպրոց գնալիս հրապարակին հասնելով, ինձմից անկախ շրջվում եմ ծախ, մտնում դատարկ հրապարակը, մոտենում մարզխորհրդի շենքին և այնտեղից էլ կուսքաղկոմի շենքի մոտով բարձրանում դեպի դպրոց (թիվ 9 միջնակարգ դպրոցը): Մեռելային լռություն է: Նայում եմ կուսնարգկոմի և մարզխորհրդի շենքերի վրա ծածանվող՝ արդեն մեզ համար խորթ Ադրբեջանի պետական դրոշին և վրոզված թթիս տակ մրմնջում:

«Ախ, երանի ներս գտնվի մի ուժ, Գտնվի մի ուժ՝ բուն դրած, Այս դրոշներին նայելուց իսկույն Վառվեն, մոխիր դարձած՝ ընկնեն ցած»:  
 Լավ է, որ կուսակցության Ստեփանակերտի քաղկոմի շենքի վրա ծածանվում է Հայաստանի պետական դրոշը, և այդ դրոշի տակ աշխատում են և՛ մարզկոմի նախկին, և՛ քաղկոմի աշխատակիցները, և՛ ժողովուրդատանների մարզխորհրդի օրերս վերսկսված գործկոմը: Այս շենքում է տեղավորված նաև մեր Շարժման շտաբը: Հանդիպում եմ շտաբի անդամ Վլադիկ Սարգսյանին, որից իմանում եմ, որ նախապատրաստական աշխատանք է տարվում Հայոց ցեղասպանության 75-րդ տարելիցը կազմակերպված նշելու, և այդ ուղղությամբ դպրոցներն էլ պետք է աշխատեն:

Մրտիս խորքում վիրավորվում եմ, երբ ԽՍՀՄ-ը կայսրություն է անվանվում՝ համոզված լինելով, որ կայսրությունը վերջ ունի, մահ ունի, այնպես, ինչպես մինչև հիմա եղած բոլոր կայսրությունները՝ թե՛ հռոմեական, թե՛ ավստրոհունգարական, թե՛ գերմանական, և թե՛ Օսմանյան: Բայց համամիտ եմ Հայ այն մեկնաբանների հետ, որ «...կայսրության գոյատևման նպատակին հասնելու համար Կենտրոնը ոչ մի բանի առջև կանգ չի առնի: Քաղաքական իրադրությունը ռեգիոնում, որի փուլերը կարելի է որոշել այն դրոշակի գույնով, որը փոխանիվում է բարձրագույնը և Ստեփանակերտի մարզգործկոմի շենքի վրա»: Ես դրան կավելացնեմ նաև՝ «խորհրդային Ռաբբաթը» թերթի օրգանափոխությամբ, որի մասին գրել եմ նախկինում:

Որպես պատմության ուսուցիչ՝ նաև աշակերտներիս գիտակցությանն եմ հասցնում, որ մարզգործկոմի շենքի վրա Ադրբեջանի պետական դրոշը, իսկ կուսակցության Ստեփանակերտի շենքի վրա՝ Հայաստանի պետական դրոշը հիշեցնում են 1917թ. փետրվարյան հեղափոխության արդյունքը, ըստ որի՝ Ձմեռային պալատի վրա բուրժուական ժամանակավոր կառավարության դրոշն էր ծածանվում, իսկ Սնոլնիի վրա՝ Սովետների դրոշը, ասել է թե՛ այսօր մեզ մոտ էլ է երկիշխանության մեծ մի իրադրություն՝ Պոլյանիչկո-Սաֆոնովյան իշխանություն և մեր մարզխորհրդի ու Շարժման շտաբի իշխանություն:

**3.04.1990թ.:** Լուր ստացա, որ երևանում տեղի է ունեցել Հայաստանի կոմերիտմիությունից Կենտկոմի ընդլայնված պլենում, որը քննարկել է «ՀԼԿԵՄ պլատֆորմը ՀամԼԿԵՄ 21-րդ համագումարում» հարցը:

**8.04.1990թ.:** Իմ ստանալիս թերթ-ամսագրերին ավելացավ ևս մեկը՝ Հայոց համազգային շարժման պաշտոնաթերթ «Հայք» շաբաթաթերթը, որի թիվ 9-10-ում ընթերցում եմ. «Արցախի փոխարքա Սաֆոնով ամեն ինչի դիմում է՝ վիճակները համար Արևելյան Հայաստանի այս հատվածում ՀԽՍՀ Գերագույն խորհրդի ընտրությունները: (Նշեմ, որ մենք մեծ ուրախությամբ ու հույսերով ենք նախապատրաստվում մասնակցելու այդ ընտրություններին): Նա թույլ չի տալիս կազմել օկուպային և տեղամասային ընտրական հանձնաժողովներ՝ սպառնալով ձերբակալել դրանց անդամներին: Արցախցիները, սակայն, տրամադրված են Միացյալ հանրապետության պառլամենտի որոշումներն իրականացնելու վճռականությամբ: («Հայք» լուրերի պատասխանատու Ե. Արզարյան):

Այնուհետև «Հայք» շաբաթաթերթը գրում է. «Չհավատալ Մոսկվային. նա մեր հարցը դրական չի լուծելու, նա մեր գերված հողերից ոչ մի միլիմետր չի տալու, ոչ մի ազգ, ոչ մի այլ պետություն մեզ չի օգնելու: Արցախի արդեն մեր ուժերով կայացած վերամիավորումն էլ Հայաստանի հետ թեթև կարողանանք պահպանել առաջիկայում, ապա դարձյալ ու դարձյալ դա կարող է լինել միայն մեր հայկական ուժերով, նաև մեր դիվանագիտությամբ: («Հայք», 8-ին ապրիլի, 1990թ., շաբաթաթերթը կցված է օրագրին):

**11.04.1990թ.:** «Ավանգարդ»-ի այսօրվա համարում տպագրված է Հայաստանի կոմերիտմիության Կենտկոմի ապրիլի 3-ի ընդլայնված նիստի (ավելի ճիշտ՝ պլենումի)

որոշումը, որից առանձնացրել եմ ներքոհիշյալ դրույթները.

ա) «...Մենք միութենական հանրապետությունների ինքնիշխանության, ազգային ինքնավարությունների բոլոր տեսակների և նրանց հասարակական-քաղաքական կառուցվածքների, ինքնուրույնության, ազգերի ինքնորոշման իրավունքների իրացման մեխանիզմի ստեղծման կողմնակից ենք:

բ) ՀամԼԿԵՄ անունը չի համապատասխանում նրա նպատակներին, և անհրաժեշտ է քննարկել ՀամԼԿԵՄ վերանվանման հարցը: Առաջարկվում է այդ կազմակերպությանը տալ կոմիտեի անունը կարգավիճակ և այլն...

Ուրախ եմ, որ Հայաստանի կոմերիտմիության ԿԿ առաջին քարտուղարի շուրթերից լսեցի, որ մեր մարզի կոմերիտկազմակերպությունը համարվում է ՀԼԿԵՄ անբաժան մաս և ամեն ինչով օգնում է նրա գործունեությանը, ուրախ եմ նաև, որ մեր պիոներ-դպրոցականների և կոմերիտականների համար կազմակերպվում են հանգստի ժամբարներ, դպրոցական գրադարաններին ուղարկվում են հայալեզու գրականություն և դասագրքեր:

**12-16.04.1990թ.:** Դրությունը լարված է թե՛ Արցախ աշխարհում և թե՛ ամբողջ ռեգիոնում, որից օգտվում են սադրիչ խմբերը: Սիս մի օրինակ մեր մարզից դուրս. 16.04.1990թ.: Նախիջևանի Սադարակ գյուղից երկու գրահապատ մեքենաներով Քյարքի են մտել ՌԽՖՍՀ մեկ դեպուտատ, քյարքեցի մի նախկին ադրբեջանցի, ներքին գործերի սպաներ և զինվորներ: Նրանք Քյարքի են մտել առանց տեղյակ պահելու տվյալ շրջանում տեղակայված խորհրդային բանակի հրամանատարությանը: Նրանք լուսանկարել են գյուղի անվանա գերեզմանատունը, ահաբեկել են գյուղացիներին՝ նրանց անվանելով դաշնակա թափափուկներ: Շուտով ժամանել է տեղի բանակային կարգախումբը, հետաքրքրվել այցելության նպատակներով և այն հարցով, թե ովքեր են նրանց ուղարկել:

«Հյուրերը» այդ հարցին չեն պատասխանել: Նրանք նստել են իրենց գրահապատ մեքենաները՝ ջարդելով մի «ԿամԱԶ» ավտոմեքենա: Սկսել են հեռանալ: Բանակայինները իրենց գրահամեքենայից կրակել և վնասել են գյուղ ներխուժած գրահամեքենաներից մեկին: Ներխուժողները ի վերջո մյուս գրահամեքենայով փախել են: Հետաքրքիր է, որ ըստ ստույգ լուրերի, այդ ներխուժման մասին տեղյակ չէր նույնիսկ ադրբեջանական կողմում տեղակայված զորամասի հրամանատարությունը («Հայք»-ում գրում է լուրերի պատասխանատու Երջանիկ Աբգարյանը):

**17.04.1990թ.:** Մեզ մոտ չնայած դաժան ռեժիմին, լուրջ աշխատանք է տարվում, որ Հայկական ԽՍՀ ժողպատգամավորների առաջիկա ընտրություններում ԼԴԻՄ-ի թեկնածուներն առաջադրվեն արժանավորները, իսկ Ադրբեջանն ամեն ինչի դիմում է, որ արգելի արցախյան պատգամավորների ընտրությունը: Իսկ Սուբոնովն ուժեղացրել է շուրջկալներն ու ձերբակալությունները:

**18.04.1990թ.:** Օրագրիս կցված է «Երեկոյան Երևան» թերթում տպագրված «Բարության մահանգապետը-Ջորջ Դոքսեյան» վերտառությամբ Գեղամ Ավետիսյանի հոդվածը: Ուրախությամբ ու հպարտությամբ եմ լցվում ընթերցելով. «Ութ տարուց ավելի է, ինչ Կալիֆոռնիայի մահանգապետ է աշխատում հայազգի Ջորջ (Գևորգ) Դոքսեյանը (Թուքսեյան), որը վաստակել է բարության մահանգապետի պատվավոր անունը: Այդ հոդվածից ընթերցողին եմ ներկայացնում մի պարբերություն. «...Այժմ, ուստի ես՝ Ջորջ Դոքսեյանս՝ Կալիֆոռնիայի մահանգի մահանգապետս, համաձայն մահանգի օրենսդրական մարմնի հ. 51 բանաձևի (1981թ.), այստեղ իրապես հռչակում եմ 1990 թվականի ապրիլի 24-ը Հիշատակի պետական օր՝ ի ճանաչումն հայերի Ցեղասպանության 75-րդ տարելիցի: Ի հիշատակ այս ողբերգության անմեղ զոհերի, ես

պարտադրելով խնդրում եմ համայն աշխարհի մարդկությանը միանալ այս հարգանքի ծեսին:

Ի վկայություն դրա, ես այստեղ դնում եմ ձեռքս և ամրացնում Կալիֆոռնիայի մահանգի Մեծ կրծքանշանը և հաստատում:

1990 թվականի ապրիլի 18-ին  
 Ջորջ Դոքսեյան

Կալիֆոռնիայի մահանգապետ»:  
 Սա ինձ համար գտածո էր, և հպարտությամբ պրոպագանդում եմ՝ ուր պատահի:

**19-23.04.1990թ.:** Սաֆոնովյանները կարծես հոտն առել են և ավելի են ուժեղացրել իսկողությունը, որ արցախահայերս չենք Ցեղասպանության օրը: Իսկ մենք, հակառակ դրա, առանց վախենալու սպասում ենք այդ օրվան. չէ՞ որ մեր պատմության մեջ առաջին անգամն է, որ համարձակվել ենք նշելու այդ անմեղ զոհերի հիշատակը:

**24.04.1990թ.:** Դեպի երբայրական գերեզմանատան հուշահամալիր տանող փողոցով անցնելու տեղ չկա: Մեր դպրոցի տնօրեն ընկեր Սահակյանի գլխավորությամբ հուշահամալիրում ենք: Լսեցինք Համլետ Գրիգորյանին, որը, բացելով Ցեղասպանության 75-րդ տարելիցին նվիրված միտինգը, խոսքը տվեց Գուրգեն Գաբրիելյանին: Այնուհետև ելույթ ունեցան Արկադի Թովմասյանը, Հրաչյա Բեգլարյանը, Սոկրատ Խանյանը և ուրիշներ, իսկ հավաքի շուրջը վիստում էին սաֆոնովյանները:

**25.04.1990թ.:** Լուր տարածվեց, թե սզո հավաքում ելույթ ունեցողներին կանչել են զինվորական պարետատուն և մեղադրել արտակարգ դրությունը խախտելու մեջ:

**26.04.1990թ.:** Դրությունը քանի գնում, ավելի է սրվում: Ձերբակալվել են ապրիլի 24-ի հավաքը կազմակերպողները: Լեմինի անվան հրապարակը դարձյալ մարդաշատ է, որոնք պահանջում են ազատ արձակել ձերբակալվածներին, սակայն ոչ մի պատասխան: Այլ ընդհակառակը, Սաֆոնովի հրամանով սկսվեց ուժի գործադրումը՝ օգտագործելով ռետինե մահակներ և հրազեն, ինչի արդյունքում եղան վիրավորներ: Ձերբակալվածների մի մասին տուգանելով 1000-ական ռուբլի՝ բաց թողեցին, իսկ մի մասին էլ 15 օրով կալանավորեցին՝ փոխադրելով Պյատիգորսկի «Белый лебедь» բանտը: ՏՄային կալանքի ենթարկվեցին 30 ակտիվիստներ, որոնց թվում՝ Ռոբերտ Քոչարյանը, Արկադի Դուկասյանը, Էդուարդ Ղազարյանը, Արմ Օստրոյանը, Էռնեստ Հայրապետյանը, Արգիլ Մխիթարյանը, Ռազմիկ Պետրոսյանը, Համլետ Գրիգորյանը, Համլետ Մովսիսյանը և ուրիշներ: Պարետության վայրագությունների մասին բողոք-դիմում հղվեց Մոսկվա:

**29.04.1990թ.:** Հայկական ԽՍՀ Գերագույն խորհրդի արտահերթ նստաշրջանում լսվեց «Հայկական ԽՍՀ-ում և ԼԴԻՄ-ում ստեղծված իրադրության և այն կարգավորելու խնդիրների մասին» հարցը, որի կապակցությամբ հանդես եկան Հայկական ԽՍՀ ՆԳ մինիստրի տեղակալ Գրիգորյանը և ԼԴԻՄ-ից ԽՍՀՄ ժողովուրդատու Ջորի Բալայանը: Նստաշրջանը հատուկ նշեց, որ Ադր.ԽՍՀ Գերագույն խորհրդի նախագահությունը ապօրինի որոշում է ընդունել ԼԴԻՄ վարչատարածքային կազմը փոփոխելու մասին: Ժողովրդագրական հաշվեկշիռը խախտելու միտումով շտապ միջոցառումներ են ձեռնարկվում, ձերբակալվում են ամենը մարդիկ, իրադրվում են հայ ազգաբնակչության և զինծառայողների ընդհանրություններ, բորբոքվում է ազգամիջյան ընդհանրությունների կրակը և այլն:

**30.04.1990թ.:** Նախատոնական օր է, բայց մեր քաղաքը լարված վիճակում է: Պարետային կարգը շարունակվում է...

**Մառլեն ՀԱՅՆԱԶԱՐՅԱՆ**  
**Մշակույթի վաստակավոր աշխատող,**  
**անհատական թոշակառու**



ՔԱՋՈՐՊԻՆԵՐ

ՍԱՐԻ ԱՐՋԵՐ  
(Բորիկ Բաղդասարյան)



Չգիտեմ ով ինչպես, բայց գյուճ-րեցիներն հատուկ աղոթքով ենք բուն մտնում:

- Բարի գիշեր, Սարի Արջեր, կրակ վառեք՝ չմրսիք:

Բարի գիշեր, Սարի Արջեր, Աստված ձեզի պահապան:

Այսպես՝ տղամարդկային, Հայ-րաքաղաքին հատուկ:

Ձիլ անեկոտրոմ պատմեմ: Հա-յը այլմոլորակայինն քարտեզ կբացատրե: Քարտեզը սաղ կանաչ գույնով է ներկված:

- Ըսիկ կտեսնի՞ս, առաջ Հյուսի-սային Ամերիկա էր, հըմի Հայաս-տան է, և էլ Հարավային Ամերիկա էր, հըմի Հայաստան է:

Ըսպես սաղ երկրների առաջվա ամուռը կուտա ու վերջում էլ՝ հըմի Հայաստան է:

- Հըբը ես փոքր կարմիր կետը ի՞նչ է,-կհարցնե այլմոլորակայինը: - Ըղիկ Ղարաբաղն է, ապ ջան, ըղպես էլ հեչ մեկին չհանձնվավ:

- Հա՛, շատ ա լավը, Վաղո՞ ջան, հարյուր տոկոս:

Ուրախանում են տղաները: - Հըբը, Մոտ ջան, ըղպես էլ բոի էլնի:

Արցախյան աշխարհիս լեռները ձգվում են բարձր-բարձր՝ ամպե-րից վեր: Նայում են. ինձանից ներքև լեռների գագաթներն են երևում միայն: Ասես գրակ-վրան-ներ լինեն: Լեռնալանջերը, ան-տառներն ու բնակավայրերը չեն երևում: Նրանք ծածկված են ամպե օվկիանոսով. ճերմակ-ճերմակ... Ես երկնքի լազուրում եմ: Այստեղ է, որ Տեր ես գգում քեզ, այստեղ է, որ լեռնանում է հոգիդ և լցվում ու այծծվում է հազար ու մի հույզե-րով: Իմ պապենական երկիր: Երբ ամպե օվկիանը մտափոխվի, մի տեղ բարեբեր անձրև դառնա, մի տեղ կարկտածե՞ծ անի, մի տեղ ծաղկաբերքեր թափի բուռնցքա-չափ փաթիլների տեսքով, ի՞նչ կա որ, աղպես էլ է լինում, որպես սի-րահարության նշան՝ երկիրը նորից կերևա իր բյուր հմայքներով:

Ինձ դարձյալ կտիտեցնեն փորփորված սարալանջերը, որ ամենուր վերածվել են դիրքերի: Նոր բացված սարիկյան գա-րուն. ծաղկոտ ու սառը, քամիներ-ով արև, որ համարյա չի էլ տա-քացում: Ամպերի ճերմակ քուլա-ների քողի տակ գալիս է թուրքը՝ սպիտակ սավաններով քողարկ-ված:

- Սողուններ, ո՞ւր եք գալիս: Մենք ձեզ հող չունենք տալու:

X հեծակետի տղաներն են: Ութն են, տասնութից քսան տարե-կան՝ քսաներեքամյա Վաղինակ Ղազարյանի հրամանատարու-թյամբ: Նրանք են, որ կողքի Z դիր-քի նույն տարիքի ժամկետային զինծառայող ինը բաջերի հետ ավազ լեյտենանտ Մերուժան Ստե-

փանյանի հրամանատարությամբ մեծ դիմադրությամբ կասեցրին թշ-նամու լայնածավալ հարձակումը, չհանձնվեցին և հերոսացան...

- Մեծ քույրս՝ Արևիկ, փոքրը՝ Լուսինե: Մենք աստղեր ենք նրանց մեջ:

- Մենք չորս եղբայրներ ենք՝ Եղիշե, Բորիկ, Արսեն, Դավիթ. Պաշտպանության գնդի սպա Նախ-րիկ և Նորայի զավակները:

- Դուք էլ եք արևներ,- ասում են,- ոչ միայն ձեր ծնողների, այլ նաև բոլորիս համար: Դենքիդ սպին ինչի՞ց է:

- Քերծվածք է, պատերազմից... երկար ժամանակ մնաց, բայց էլ չի երևում, անցել է:

Անցել է: Դենքի սպի է, կանցնի: Իսկ հոգի՞ն, երբ սպիններով է պատ-ված, կանցնի: Չէ՛, չի անցնի: Եվ ինչպե՞ս անցնի, երբ ամեն օր այն թարմացվում է, երբ սահմանին իրավիճակը չի հանդարտվում, ու ամեն վայրկյան, ամեն վայրկյան...

Աստված մի արասցե... Նայում են Բորիկին. բարեսես ու փխրուն ար-տաքինին, բայց աչքե՛րը... պայ-քարող, չնահանջող, հաղթելու վճ-ռականությամբ, արծվային: Ինչ-պես մեր բոլոր զինվորների աչքերն են: Մեր զինվորների՝ Սարի Արջե-րի:

Ահավոր բացահայտումն ավելի խստացրեց հոգու ցավն ու դառնու-թյունը. այն, որ Քառօրյան դավա-ճան ու դավադիրների հերթական խաղերից է: Խաղ, որ հարյուր տա-սից ավելի տասնութից քսան տա-րեկան պատանիների կյանք արժե-ցավ, ութ հարյուր հեկտար կարևորագույն տարածք նվիրվեց թշնամուն... Ցավո՛տ բացահայ-տում:

- Ի՞նչ եք վայնասում դրել:

Լայնածավալ հարձակում է, բա ի՞նչ եք ուզում: Մի երեսուն գոհ ենք տվել, երկուսից երեք մետր էլ հող: Մերն էլ չէ, չեզոք գոտի է:

Հեռուստացույցով ամբարտա-վան հայտարարություն է անում նա, ով թվում է՝ ամենից շատ էր մտահոգվելու ստեղծված իրավի-ճակով:

Չէ՛, չեն հավատում, անհնար է: Հայը չի՛ կարող այսքան անհայ լի-նել, զինվորին թողնել անգեն ու անհաց: Դրանք ծախու շներ են՝ նախապես պատրաստված, ամեն մի քայլը ծրագրված հայի ազգան-վամբ: Նրանց գեները ստուգել է պետք: Իմ իմացած հայը իր հացի վերջին պատառը զինվորին տվող է, ընկերոջ կյանքը սեփական կրծ-քով պաշտպանող է, իմ իմացած հայը հայ է, որ չի դողում սեփական մաշկի համար և զինվորի արյամբ հարստություն չի դիզում:

Բոլորն էին համոզված, որ եթե հարձակում լինի, մեկ շաբաթ առաջ ականապատված դաշտով ոչ մի տանկ չի կարող անվնաս անցնել: Բայց թշնամու տանկերը գալիս էին, ու նրանցից ոչ մեկը չէր վնասվում: Այս ի՞նչ հանելուկ է: Ականե՞րն էին կեղծ, թե՞...

- Տղերք, դուք էլ նույնը կմտա-ծե՞ք: Ես կարո՞ղ է Դեյվիդ Կոպեր-ֆիլդը թուրքերի կողմն է անցել,- այդ լարված պահին կատակելը չի մոռանում Վաղոն:

- Դուխներդ չզցե՞ք, մենք էլ կր-նանք ընպես ֆոկուզ էնենք, օր սաղ զարմանա՛մ: Ուշադիր ընձի լսեք. կնովինք սառնասիրտ, զինամթեր-

քը խնայելով, պետք էլնի՝ մինչև վերջ: Բայց դուխներդ չզցե՞ք, դու-խովին գնդակը չի կրպնի: Մենք հող չունենք տալու: Բըդի հաղ-թենք, ու ամեն մեկս մեր տներով էր-թանք:

Հետո Բորիկ Բաղդասարյանը լեջելու էր այդ օրերը...

«Երեք եղբայրներս էլ ծառայել ենք Սատաղիսում. Թալիշի գու-մարտակում: Իրար ենք հաջորդել: Վեց տարի մոտ աչքերը Թալիշի ճամփեքին է մնացել: Չորս ամսվա մարտական հերթափոխության զինվոր էի, երբ սկսվեց Արիլյան պատերազմը: Մինչև այդ երեք ան-գամ եղել եմ հեծակետում: Արիլի 1-ին բարձրացա չորրորդ հերթա-փոխի... ժամը 11.30-ին իմացանք, որ գումարտակի հարևան վաշտի տղաներից մեկին հերթափոխի ճա-նապարհին թուրքերը խփել են: Սերժանտ էր, դիրքի ավագ, արտա-կարգ անձնավորություն, կենսու-րախ, ընկերասեր: Այդ պահից մոտ եղերական տրամադրություն էր, բոլորս էինք անտրամադիր: Ձո-րամասում սուզ էր: Երեկոյան ժամը 21-ից 23-ը դիրքապահ էի, 23.00-ից 00.00՝ արթուն պահակ, 00-ից ժա-մը 01-00՝ կապավոր: Կես ժամ դեռ չէի հանգստացել՝ գետնատնակում անասելի իրարանցում սկսվեց. գո-ռոցներ, զենքի ծայներ:

- Ելե՞ք, տղերք, դիվերսիա է, շուտ արեք: Ես ինչքա՛ն շատ եմ՝ տասներեք, տասնվեց, հիսունն անց, բայց էլի թիվը ավելանում է:

Դիրքում ութ հոգի էինք, մեր դի-մաց՝ վաթսուհից ավելի հատուկ պատրաստված մինչև ատամները զինված թուրքեր:

Հա, ասեմ, որ մեր և հարևան դիրքերում մարտ անսին զիջերա-յին տեսանելիության սարքեր էին տեղադրել, որ 360 աստիճանով ցույց էին տալիս տեղանքը: Եվ դա էլ մեծ դեր ունեցավ մեր փրկության համար: Ամբողջ անձնակազմով բարձրացանք դիրքեր: Սկսվեց կրակոցների տարափ: Հազարա-վոր արկեր ու ականներ թափվեցին դիրքերի վրա: Խավար գիշեր էր, լուսին չկար: Մեզանից մեկը մնաց գետնատնակում: Նա տեսանելիու-թյան սարքի միջոցով մեզ ուղղու-թյուն էր տալիս, թե որ կողմը կրա-կենք: Մինչև առավոտ այդպես պա-նեցինք դիրքը: Լույսը բացվելուց հետո նոր տեսնում էինք թշնամուն և ճշգրիտ ուղղությամբ էինք վա-րում մարտը: Վերադասին միշտ տեղեկացնում էինք կռվի ընթացքի մասին, բայց ոչ մի արձագանք... Հարևան դիրքը թուրքերն արդեն գրավել էին: Այնտեղից էին կրա-կում մեզ վրա: Ամեն ուղղությամբ հարձակում էր: Հրետանակոծու-թյունը չէր դադարում: Երեկոյան, երբ մեր ռազմամթերքը վերջանում էր, մեր դիրքի ավագը կապվեց դա-սակի հրամանատարի հետ.

- Փամփուշտները վերջանում են: Մարտ վարելն անհնար է դառ-նում: Չենք կարող դիրքը պահել:

- Ուր որ է՝ օգնությունը տեղ կհասնի,-հանգստացնում էին մեզ:

Իսկ օգնությունն այդպես էլ տեղ չհասավ: Խնայելով էինք կրա-կում:

Երեկոյան ժամը 7-ին գումար-տակից մի ուրիշ սպա զանգեց մեր դիրքի ավագին.

- Վաղո՞ ջան, անձնակազմդ հա-նի՞, թե չէ գալու են մորթեն-խոշ-տանգեն: Ռազմամթերք էլ չունեք:

Ել ինչպե՞ս եք կռվելու:

Հնչեց «Նահանջ» հրամանը: Մենք ետ քաշվեցինք հարևան դիրք՝ մեր հեծակետը կրկին վերց-նելու վճռականությամբ:

Առավոտյան «Եղնիկներ» զո-րամասի օգնությամբ ետ վերցրինք մեր և կողքի դիրքերը:

Մեր անձնակազմից երկու վի-րավոր ունեցանք: 170 դիրքից՝ չորս գոհ: Մեր լավ ընկերներն էին՝ Աղասին, Ռաֆիկը, Վիկտորը, Մե-րուժանը: Հայկ Թորոյանին, Հրանտ Ղարիբյանին զինամթերք տեղափոխելու ժամանակ դարա-նակալեցին, շրջափակեցին... գլխատեցին...

Այ, ներսումս ամեն ինչ փշրվեց նորից:

Աչքերս իբրև հմուտ նկարիչ՝ Ամբողջ մի աշխարհ լուռ նկարեցին Սրտիս կտավին... Գունեղ ներկե-րով անդաստան դարձրին Կյանքս ու հոգիս... Կարոտս բախվեց քո քար կարտոսին, Գուռեց կարտոդ մո-ռացե՞լ է ինձ...

Թշնամին 150-ից ավելի դիակ-ներ թողեց ու նահանջեց: Նորից վճռականությամբ լցվեցի ու պայ-քարեցի ապրելու, ընտանիքիս գիրկը վերադառնալու համար»:

Այո, պետք է, որ մահը հապա-ղեր, երկմտեր և չդիպչեր այս տո-ղերի հեղինակին: Պետք է որ հա-րազատների աղոթքներով և Աստ-ծո զորությամբ խնայվեք բազմաշ-նորի երիտասարդ Բորիկ Բաղդա-սարյանի կյանքը: Պատերազմա-կան ահավոր օրերից հետո նա պետք է շարունակեր ուսումը Ար-ցախի պետական համալսարանի քաղաքագիտության բաժնում, կր-կին պետք է հիպոցներ մեզ իր սկոր-դեռնի հրաշալի երաժշտությամբ, իր վրձնած նկարներով և բանաս-տեղծեր ապրումներն իր՝ հուզա-ռատ և սիրով լեցուն:

«Տանեցիներին լուր էին տվել, իբր ինձ վիրավոր գերի են վերցրել ու ճամփի կեսից գլխիս են կրակել: Մեզ մոտ՝ Մարտունիում, ինձ ողջ-ողջ թաղել էին...»

Ամսի 3-ին նոր զանգեցի տուն: Հեռախոսի մեջ կես ժամ միայն ար-ցունքի հեծվողոցի ծայներ էին...»:

Այս օրերին 170 և 171 դիրքե-րում, կատաղի հրետակոծության տակ, խնայելով գեներն ու զինամ-թերքը, մեր տղաները հզոր դիմադ-րություն ցույց տվին: Նրանք վս-տահ ու հանգիստ ետ մղեցին թշ-նամուն, մինչև որ մեր զորքերը ժա-մանակ ունեցան կազմավորվելու, ազատագրելու Թալիշը և ետ մղե-լու թշնամուն՝ նրան պատճառելով մարդկային մեծ կորուստներ:

Իսկ երբ բեկորային վնասվածք-ներ ստացած Մովսեսն ու Վաղինա-կը հիվանդանոց էին տեղափոխ-վում, արդեն ուրախությունը, հաղ-թանակի ուրախությունը բարձրա-ցել ու փորձում էր ուշադրություն գրավել:

- Մոտո՞, ճիշտ կըսեմ, վերջում սաղ աշխարհը մեկ գույնով բըդի ներկվի ու Հայաստան դառնա: Էն ժամանակ մեզի էլ Սարի Արջեր չեն ըսե, Աշխարհի Եղնիկներ կըսեն երկի՛:

Հրանուշ ՍՈՒԲԱՍՅԱՆ

Շնորհավորանք

ՄԻՇՏ ՎԱՐՆԱՆ ՊԵՍ ԺՊՏՈՒՆ...



«Թշվառ է այն ազգը, ով չի մե-ծարում և ապավինում ուսուցչին»:

Ղ. Աղայան

Ինչպե՞ս չխոսենք Անահիտ Մես-րոպյանի՝ մեր հորեյարի մասին, որն այսքան տարիներ իրեն նվի-րել է մատաղ սերնդի կրթության ու դաստիարակության գործին:

Տարիներ առաջ էր. քահել, ավ-յունով լեցուն, տակավին երիտա-սարդ, մի քիչ էլ վախվորած՝ նա ոտք դրեց հ. 2 դպրոցի շենին և առաջօր աշխատում է այստեղ, չնայած ներկայումս Ստեփանա-կերտի քաղաքապետարանի ԿՍ բաժնի հիմնական աշխատող է: Նա իր կյանքն առանց դպրոցի, առանց աշակերտների չի պատկերացնում: Այսքան տարիներ բազմաթիվ մա-տաղ հոգիներ է կրթել ու դաստիա-րակել, բայց ժամանակն ասես նրա կողքով է անցել. նույն ժպտուն աչ-քերն ու անկեղծ հոգին է...

Գործունեության տարիներին նա իր անսպառ եռանդով զար-մացրել է բոլորին: Երբ հարկավոր է եղել, քնքուշ մայր է դարձել, իսկ հարկ եղած դեպքում՝ խիստ ու ան-կոտորում է մնացել: Անահիտ Մես-րոպյանն իրեն առանց աշակերտ-ների չի պատկերացնում, քանզի նրա սրտի երակները սնվում են աշակերտների ծայնով: Տարբեր սերունդների նրա հետ կապվածու-թյան մասին է վկայում ամեն տարի նրանց հանդիպումներն իրենց դասդեպ-ուսուցչի հետ: Նա շատ յուրահատուկ կազմակերպչական ծիրք ունի: Բազմաթիվ տարաբ-նույթ միջոցառումների հեղինակ է: Միջոցառումների մասնակիցները հիացած ու տպավորված են մնում: Անահիտ Մեսրոպյանն օժտված է մարդկային լավագույն որակնե-րով՝ լավ մայր է, լավ դուստր և քույր, լավ հարևան, լավ բարեկամ, լավ ընկեր, լավ...

Ուստի մեր լավ գործընկերոջը՝ ծննդյան օրվա առթիվ մաղթում ենք առողջություն, երկար տարի-ների կյանք: Թող նրա արևաշող դեմքին երբեք չիջնի հոգսի ոչ մի ցող:

Գարուններ ենք ցանկանում քեզ, որ գարուններ միշտ ապրես, որ գարնան պես միշտ ծաղկես:

Ստեփանակերտի Ա. Ղուլյանի անվան հ. 2 հիմնական դպրո-ցի մանկավարժական կոլեկտիվ

ՄԱՐԶԱԿԱՆ

ԿԱՐԱՆՏԻՆԸ ԶՊԱՐԱՊԵԼՈՒ ՊԱՏՃԱՌ ԶԷ

Մարզադահլիճները փակ են, մարզիչները չեն պարապում, իսկ մարզական երբեմնի աշխուժությամբ աչքի ընկնող տնամերձ մարզահրապարակները դատարկ են. կարանտին է: Ինչպե՞ս չկորցնել մարզական լավ վիճակը՝ մնալով տանը: Իրավիճակն անսովոր է բոլորի համար, մինչդեռ պարբերաբար պարապմունքների հաճախող մարզիկների համար՝ առավել եւս, քանի որ օրգանիզմը սովոր է էներգիայի համակարգված ծախսմանը մարզումների շրջանակում: Մարզիկների մոտ կարող է սթրես առաջանալ՝ կապված պարապմունքի բացակայության հետ: Ի՞նչ անել կուտակված էներգիայի հետ, ինչպե՞ս հաղթահարել պարապմունքի պարտադիր դադարի հետ կապված հոգեբանական սթրեսը: Այս հարցերին, եւ ոչ միայն, մեզ հետ ունեցած օնլայն հարցազրույցում պատասխանեց ԱԳ Վինգզու-նի եւ թայջիի ֆեդերացիայի մարզիչ եւ ավագ խմբի մարզիկ Շահեն ԿԱՐԱՊԵՏՅԱՆԸ:



**- Շահեն, ինչպե՞ս պետք է վարվի մարզիկն այս իրավիճակում, որտե՞ղ ծախսի կուտակված էներգիան, երբ տանը ոչինչ չկա անելու, իսկ դուրս գալ չի կարելի:**

- Բավականին դժվար հարց է մարզիկի համար, բայց ոչ նրանց, ովքեր կարող են այս ժամանակն օգտագործել ինքնագարգացման գրգռվելով: Մարզիկը կարող է պարապել տնային պայմաններում, պահպանել լավ մարզավիճակը, ինչպես նաեւ ավելի շատ ժամանակ հատկացնել իր հանգստին:

**- Իսկ տնային պարապմունքը կփոխարինի՞ իսկական պարապմունքին:**

- Տնային պայմաններում պարապելն, իհարկե, չի կարող լիարժեք փոխարինել դահլիճի պարապմունքին, բայց պետք է ապահովել թեկուզ ցվազազույն ֆիզիկական ծանրաբեռնվածություն տանը: Ընդհանրապես չի երաշխավորվում պարապմունքներում միանգամից դադար տալ, եթե չկան հա-

տուկ ցուցումներ: Նվազագույն ծանրաբեռնվածությամբ պարբերաբար կատարվող ֆիզիկական վարժությունները կօգնեն պահպանել մկանների ակտիվությունը, ինչպես նաեւ օրգանիզմում կուտակված բացասական էներգիան կզտնի իր դուրս գալու ճանապարհը: Ծիշտ է, տնային պարապմունքը չենք կարող համեմատել մարզիչի հրահանգների ներքո անցկացվող իսկական մարզական պարապմունքի հետ, բայց ինչպես մարզիկները, այնպես էլ բոլոր մարզիկ կարող են ակտիվ պարապել տանը մնալով, որն ավելի է մեծացնում կարանտինից դուրս գալու հնարավորությունը հուզական կայուն վիճակով եւ օրգանիզմի բարձր դիմադրողականությամբ:

**- Կարելո՞ր է, որ մարզիկը պահպանի պարապմունքի ժամը:**

- Եթե հնարավորություն կա, այո: Պետք է այնպես համաձայնեցնել ընտանիքի անդամ-

ների հետ, որ մարզումները չխանգարեն ոչ մեկին: Կան ընտանիքներ, որոնցում մարզվում են բոլորը միասին: Սա շատ ողջունելի է: Կարելի է մարզվելու համար օգտագործել առավտորը: Առավտոյան մարզումները, հատկապես վաղ առավոտյան կատարվող լիցքային վարժություններն ավելի արդյունավետ են եւ հարմար են մենանալու համար, եթե դրա անհրաժեշտությունը կա:

**- Կարո՞ղ է, արդյոք, մարզիչն օգնել իր սաներին եւ նպաստել նրանց ինքնուրույն մարզումներին, ցուցումներ տալ առանց նրանց հետ ֆիզիկական շփման:**

- Մարզիչը կարող է հեռավար հաղորդակցման միջոցներով, տեսահաղորդակցման կամ ծայնային հաղորդագրությունների միջոցով կամ միգուցե պարզապես զանգով ուղղորդել իր սաներին համապատասխան մարզումներին: Այս պայմաններում թերեւս ճիշտ կլինի օգտագործել այդ միջոցները: Բնական է, որ մարզիկը կարող է սթրես տանել՝ կապված պարապմունքների դադարի հետ: Մարզիչը կարող է քաջալերել, ոգեւորել նրան՝ պահպանելով անհրաժեշտ հեռավորություն:

**- Մարզիչի հետ շփումը պահելու եւ նրանից ուղղորդում ստանալու համար ստեղծված պայմաններում փաստորեն հեռախոս ունենալն էլ բավական է, իսկ մարզական գույքն ու մարզասարքերը ինչ՞ով փոխարինել, եթե տանը դրանք չկան:**

- Մարզական գույքին ու մարզասարքերին փոխարինող բազմաթիվ պրակտիկ միջոցներ կարելի է փնտրել եւ գտնել համացանցում, եթե դրանք իսկապես անհրաժեշտ են: Բայց դրանք բացակայությունն էլ հոգ չէ: Կան այն-

պիսի հասարակ վարժություններ, որոնք կատարվում են առանց գույքի կամ մարզասարքի, իսկ արդյունավետությամբ չեն գիջում ուրիշ վարժությունների:

**- Հավանաբար ինքնորոշ առաջնորդվում եք Ձեր խորհրդով՝ պահպանելով լավ մարզավիճակ եւ օրինակ լինելով Ձեր թիմակիցների ու սաների համար: Կարո՞ղ եք նշել առավել արդյունավետ որոշ վարժություններ, որոնք օգնում են Ձեզ եւ կօգնեն մեր ընթերցողներին ֆիզիկական լավ տվյալներ ձեռք բերել, ինչու չէ, բարձրացնել նաեւ ոգին:**

- Իհարկե ինքս պարապում եմ տանը՝ լրացնելով մարզադահլիճում մարզումների բացակայությունը: Կատարում եմ ֆիզիկական դաստիարակության հիմնային վարժություններ, որոնք օգնում են ապահովել մարմնի ֆիզիկական անհրաժեշտ ծանրաբեռնվածություն եւ նպաստում են լավ հոգեվիճակ ունենալուն: Սեղմում գետնից, կքանիստ, պրեսի վարժություններ, իսկ որտեղ հնարավոր է՝ ձգումներ. սրանք բոլոր մարզիկներին լավ ծանոթ վարժություններ են, որոնց կատարման համար ընդամենը ցանկություն է հարկավոր: Հիշեցնեմ, որ մարզումները պետք է սկսել թեթեւ նախալարժանքից:

Ուրեմն՝ կարանտինի հետ կապված դժվարությունները կարելի է հաղթահարել ֆիզիկական վարժություններ կատարելով, այդպիսով ապահովելով օրգանիզմի բարձր դիմադրողականություն, մկանների ակտիվություն, բացասական էներգիայի դուրս նետում, սթրեսադիմացկունություն, ինչպես նաեւ որոշ չափով լրացնել պարապմունքի բացակայությունը:

ՄՊՈՐՏԸ` ՀԱՆՈՒՆ ԶԱՐԳԱՅՄԱՆ, ԽԱՂԱՂՈՒԹՅԱՆ, ԱՌՈՂԶՈՒԹՅԱՆ



2013 թ.-ից սկսած՝ ապրիլի 6-ին նշվում է Սպորտի միջազգային օրը: Օրվա խորհուրդը սպորտի՝ հանուն զարգացման եւ խաղաղության դերակատարության ամրապնդումն է: Սպորտային խաղերը, մրցաշարերը եւ ֆիզիկական կուլտուրայով զբաղվելը մեծ դեր են խաղում մարդկության զարգացման գործընթացում: Սպորտը կրթության, զարգացման եւ խաղաղության գործոններից մեկն է, որը նպաստում է համերաշխության, հանրութո՞ղականության, սոցիալական ներառման ամրապնդմանը տեղական, ազգային եւ միջազգային մակարդակներում: Սպորտի արժեքները, ինչպիսիք են թիմային աշխատանքը, արդարությունը, կարգապահությունը, մրցակցի եւ խաղի կանոնների հանդեպ հարգանքը, հասկացվում են ամբողջ աշխարհում եւ կարող են օգտագործվել սոցիալական համերաշխության եւ խաղաղ գոյակցության համար:

Սպորտի միջազգային օրվա կապակցությամբ կազմակերպվում են տարբեր մարզական խաղեր, առաջնություններ, միջոցառումներ: Ինչպես հայտնի է, թագավորուսով պայմանավորված՝ պանդեմիան իր սպառնացող տեմպերով տարածվում է աշխարհով մեկ՝ ներառելով մեծ թվով երկրներ, եւ ֆիզիկական ու սոցիալական հեռավորության մեթոդները դառնում են

**- Գարեգին, ի՞նչ դեր ունի սպորտը մարդու կյանքում:**

- Սպորտը մարդու կյանքում մեծ դերակատարություն ունի: Նախ՝ սպորտը տալիս է ինքնավստահություն, նպաստում է առողջ ապրելակերպին, հիգիենային, կարգապահությանը: Սպորտը շատ մարդկանց համար սնունդ է. ինչպես որ առանց սնվելու մարդ չի կարող ապրել, այնպես էլ շատ մարդիկ ուղղակի չեն կարող ապրել առանց մարզվելու:

**- Ինչպե՞ս է Ձեր գլխավորած Մարտարվեստների ասոցիացիան ազդում Արցախում սպորտի զարգացմանը:**

- Մարտարվեստների ասոցիացիան մեծ ազդեցություն է ունեցել արցախյան սպորտի վրա նախ նրանով, որ Արցախում զարգացրել ենք 21-րդ դարի համաշխարհային երկու մարզաձեւ՝ մուայթայ եւ MMA: Ասոցիացիայի շուրջն ենք համախմբել շուրջ 400 մարզիկ, ունենք չեմպիոններ: Անցած տարի Արցախում կազմակերպել ենք չորս պրոֆեսիոնալ մենամարտերով HAYFC-1 մրցաշար, որի մասին առայսօր ողջ Արցախն է խոսում: Նախատեսում ենք կազմակերպել երկրորդը՝ HAYFC-2 մրցաշարը: Հույս ունենք, որ համաճարակը կվերջանա, եւ հնարավորություն կունենանք ամ-

սովորական երեւույթ, որպեսզի կանգնեցվի համաճարակի տարածումը: Մարզադահլիճների, մարզասրահների, լողավազանների, պարային ստուդիաների եւ խաղահարկների փակումը նշանակում է, որ մենք չենք կարող կազմակերպել եւ մասնակցել անհատական կամ խմբային մարզական ու ֆիզիկական միջոցառումներին: Մարզական հանրությունը լուրջ դժվարություններ ունի ողջ աշխարհում մտցված սահմանափակումների պատճառով: Բայց դա չի նշանակում, թե մենք չպետք է ֆիզիկապես ակտիվ լինենք: Առողջապահության համաշխարհային կազմակերպությունը խորհուրդ է տալիս սպորտով զբաղվելու եւ ֆիզկուլտուրային հատկացնել 150 րոպե շաբաթվա մեջ՝ թեթեւ ծանրաբեռնվածությամբ մարզումներին, իսկ 75 րոպե շաբաթվա մեջ՝ ինտենսիվ պարապմունքներին: Այսինքն՝ բացի վերոնշյալ արժեքներից, սպորտը նաեւ առողջ ապրելակերպի կարելու-րագույն տարրերից է: Մեր անհատական հմտություններով ու թիմային ոգու ուժով կարող ենք միավորել ջանքերը եւ կիսվել սպորտով զբաղվելու միջոցով առողջության ամրապնդման փորձով: Սպորտի միջազգային օրը կոչ է արվում լինել ակտիվ, պահպանել առողջությունը, ցուցաբերել հանդուրժողականություն ու ընթրնում անհրաժեշտ հեռավորություն պահելու շրջանում: Թիմային ոգին կօգնի բոլորին՝ լուծել ծառայած խնդիրը:

Սպորտի հետ կապված թեմաների շուրջ գրուցեցինք Արցախի մարտարվեստների ասոցիացիայի նախագահ, Արցախի MMA հավաքականի մարզիչ Գարեգին ԱՂԱՔԱԼՅԱՆԻ հետ: Ասոցիացիան ստեղծվել է ոչ շատ վաղուց, բայց զգալի աշխատանքներ է տարել Արցախում սպորտի զարգացման, մեծ թվով մարզիկներ կուպելու եւ դաստիարակելու, միջազգային մրցահարթակներում մեր երկիրը աշխարհին ծանաչելի դարձնելու գործում:

ճանը մրցաշար կազմակերպել:

**- Ի՞նչ խնդիրների եք առնչվել Ձեր գործունեության ընթացքում:**

- Իմ մարզչական գործունեության ընթացքում հանդիպել եմ բազում խնդիրների, բայց պարզ ճակատով ասում եմ, որ հաղթահարել եմ դրանք, այն էլ՝ հաճույքով: Ունեցել ենք անենատարբեր խնդիրներ՝ սկսած մարզադահլիճների բացակայությունից: Բացի պետական աջակցությունից ունենք հովանավորներ, ընկերներ, բարեկամներ, որոնք օգնում են մեզ՝ կանգնելով սպորտի կողքին եւ անձամբ մեր կողքին:

**- Ձեր կարծիքով ի՞նչ վիճակում է սպորտն Արցախում, սպորտի միջոցով աշխարհին ծանաչելի դառնալու մարտավարությունը արդարացնո՞ւմ է իրեն:**

- Խաղային մարզաձեւերը փոքրինչ նահանջ են ապրում, իսկ անհատական գոտեմարտային կամ մենամարտային մարզաձեւերն առաջխաղացում ունեն, ավելանում են խմբերը, շատացել է պարապողների քանակը, ինչը լավ է. քանի որ մենք մշտապես կռվի մեջ ենք, այն պետք է շատանա: Ծանաչելի դառնալու հարցին եթե սթափ նայենք, կհասկանանք, որ եռագույնը

կբարձրանա այն մարզաձեւերի շնորհիվ, որոնք ունեն պրոֆեսիոնալ մենամարտեր: MMA, բռնցքամարտ, թայ բոքս, կա-1 մարզաձեւերում մեր մարզիկների հաջողություններն մեր անունն ավելի շուտ հնչելի կդարձնեն աշխարհում: Կարելու է, որ ոչ օրինական մարզաձեւ կոչվածները, այսինքն, որոնք օրենքով չեն գործում Արցախում, դադարեցնեն իրենց գործունեությունը: Եթե այդ մասով չկա համապատասխան օրենք, ուրեմն պետք է մշակվի: Ապօրինի գործող մարզաձեւերը խանգարում են սպորտի զարգացմանը:

**- Լինելով մարզիչ եւ, բնականաբար, առողջ ապրելակերպի հետադուր՝ ի՞նչ կիրորդեիք Ձեր սաներին եւ քաղաքացիներին կարանտինի պայմաններում լավ մարզավիճակ պահելու համար:**

- Պետք է մարզումները շարունակել տանը, թեկուզ բակում, մաքուր օդում: Փառք Աստծո, Ստեփանակերտի չորս կողմն անտառներ են, կարող են վազել անտառներում, մարզումներ կատարել: Ցանկացած մարզիկի համար երկուսով երկու տարածքը բավական է, որ պատշաճ մարզումներ անի մարզավիճակը 50-60 տոկոսով լավ պահելու համար: Մարզիկներին, ինչպես եւ քաղաքացիներին խորհուրդ եմ տալիս նորմալ սնվել, վիտամիններով հարուստ սնունդ ընդունել եւ մարզվել: Ֆիզիկական ծանրաբեռնվածությունը թույլ չի տա, որ մարմնի դիմադրողականությունը ցածրանա:

